

慧日佛學班第 10 期／福嚴推廣教育班第 21 期

## 《大智度論》卷 65

〈釋無作實相品第四十三之餘〉

(大正 25, 515a2-518b1)

釋厚觀 (2011.04.30)

### 【經】

參、勸信受持，說般若得無量福德 (承上卷 64)

(壹) 諸佛同說般若應信受 (承上卷 64)

(貳) 信受般若，離眾病患，諸天隨護

須菩提白佛言：「世尊！若善男子、善女人受持是般若波羅蜜，親近、正憶念者，終不病眼，耳、鼻、舌、身<sup>1</sup>亦終不病，身無刑<sup>2</sup>殘，亦不衰耄<sup>3</sup>，終不橫死。無數百千萬諸天——四天王天乃至淨居諸天皆悉隨從聽受。<sup>4</sup>

(參) 為大眾說般若得無量福德

一、須菩提說

六齋日——月八日、二十三日、十四日<sup>5</sup>、二十九日、十五日、三十日，諸天眾會；善男子為法師者，在所說般若波羅蜜處<sup>6</sup>皆悉來集。

是善男子、善女人在大眾中說是般若波羅蜜，得無量、無邊、阿僧祇、不可思議、不可稱量福德。」

二、佛述成，並明得無量福德之因緣

(一) 佛述成

佛告須菩提：「如是！如是！是善男子、善女人，若六齋日——月八日、二十三日、十四日、二十九日、十五日、三十日，在諸天眾前說是<sup>7</sup>般若波羅蜜，是善男子、善女人得無量、無邊、阿僧祇、不可思議、不可稱量福德。」

(二) 明得無量福德之因緣

1、歎般若為大珍寶，能拔苦，能與樂

何以故？須菩提！般若波羅蜜是大珍寶。何等是大珍寶？

<sup>1</sup> 身+ (意)【石】。(大正 25, 515d, n.6)

<sup>2</sup> 刑=形【宋】【元】【明】【宮】【聖】【石】。(大正 25, 515d, n.7)

<sup>3</sup> 耄 (ㄇㄠˋ)：1.年老，高齡。古稱大約七十至九十歲的年紀。《毛傳》：八十曰耄。《毛傳》：耄，老也。《禮記·曲禮上》：八十、九十曰耄。《漢語大詞典》(八)，p.642) 耄衰：衰老。《漢語大詞典》(八)，p.643)

<sup>4</sup> 《大般若波羅蜜多經》卷 437 〈41 無標幟品〉：「爾時，具壽善現白佛言：『世尊！若善男子、善女人等於此般若波羅蜜多，至心聽聞、受持、讀誦、精勤修學、如理思惟、書寫、解說、廣令流布，是善男子、善女人等眼、耳、鼻、舌皆無所患，身支無缺，不甚衰耄，亦不橫死，常為無量百千天神恭敬圍繞，隨逐衛護。』」(大正 7, 200b17-23)

<sup>5</sup> 〔日〕—【宋】【元】【明】。(大正 25, 515d, n.9)

<sup>6</sup> 〔處〕—【宋】【元】【明】【宮】。(大正 25, 515d, n.11)

<sup>7</sup> 〔是〕—【宋】【元】【明】【宮】。(大正 25, 515d, n.13)

**(1) 令離苦**

是般若波羅蜜能拔地獄、畜生、餓鬼及人中貧窮；

**(2) 令得樂**

能與剎利、婆羅門大姓、居士大家，能與四天王天處乃至非有想非無想處，能與須陀洹果、斯陀含果、阿那含果、阿羅漢果、辟支佛道、阿耨多羅三藐三菩提。

何以故？是般若波羅蜜中廣說十善道、四禪、四無量心、四無色定，四念處乃至八聖道分，檀波羅蜜、尸羅波羅蜜、(515b) 羼提波羅蜜、毘梨耶波羅蜜、禪波羅蜜、般若波羅蜜，廣說內空乃至無法有法空，廣說佛十力乃至一切<sup>8</sup>智。

從是中學，出生剎利大姓、婆羅門大姓、居士大家，出生四天王天、三十三天、夜摩天、兜率陀天、化樂天、他化自在天，梵身天、梵輔天、梵眾天、大梵天，光天、少光天、無量光天、光音天，淨天、少淨天、無量淨天、遍淨天，阿那婆伽<sup>9</sup>天、得福天、廣果天、無想天、阿浮呵那天、不熱天、快見天、妙見天、阿迦尼吒天，虛空無邊處天、識無邊處天、無所有處天、非有想非無想處天。

是法中學，得須陀洹果、斯陀含果、阿那含果、阿羅漢果，得<sup>10</sup>辟支佛道，得阿耨多羅三藐三菩提。

**(3) 結**

以是故，須菩提！般若波羅蜜名為大珍寶。

**2、歎般若為無所得珍寶**

珍寶波羅蜜中，無有法可得若生若滅、若垢若淨、若取若捨；珍寶波羅蜜，亦無有法若善若不善、若世間若出世間、若有漏若無漏、若有為若無為。

以是故，須菩提！是名無所得珍寶波羅蜜。<sup>11</sup>

**3、歎般若為無染珍寶**

須菩提！是珍寶波羅蜜，無有法能染污。何以故？所用染<sup>12</sup>法不可得故。

須菩提！以是故名無染珍寶波羅蜜。<sup>13</sup>

<sup>8</sup> 一切+（種）【元】【明】。（大正 25，515d，n.14）

<sup>9</sup> 伽=加【宋】。（大正 25，515d，n.15）

<sup>10</sup> 〔得〕—【石】。（大正 25，515d，n.16）

<sup>11</sup> 《大般若波羅蜜多經》卷 437〈41 無標幟品〉：「善現！如是般若波羅蜜多大寶藏中，不說少法有生有滅、有染有淨、有取有捨。何以故？善現！以無少法可生可滅、可染可淨、可取捨故。善現！如是般若波羅蜜多大寶藏中，不說有法是善是非善、是有記是無記、是世間是出世間、是有漏是無漏、是有為是無為。善現！由此因緣，如是般若波羅蜜多名無所得大法寶藏。」（大正 7，201a9-16）

<sup>12</sup> 染+（污）【石】。（大正 25，515d，n.17）

<sup>13</sup> 《大般若波羅蜜多經》卷 437〈41 無標幟品〉：「善現！如是般若波羅蜜多大寶藏中，不說少法是能染污。何以故？以無少法可染污故，亦無少法能染如是甚深般若波羅蜜多大法寶藏。何以故？能染污法不可得故。善現！由此因緣，如是般若波羅蜜多名無染污大法寶藏。」（大正 7，201a16-22）

**(三) 勸菩薩如般若而行故得利益****1、能自利利他，斷諸戲論，嚴土熟生**

須菩提！若菩薩摩訶薩行般若波羅蜜時，亦如是不知，亦如是不分別，亦如是不得，亦如是不戲論，是為能修行般若波羅蜜；亦能禮覲諸佛，從一佛國至一佛國，供養、恭敬、尊重、讚歎諸佛；遊諸佛刹，成就眾生、淨佛國土。<sup>14</sup>

**2、明般若無有力無非力，即是諸法實相，常住不異****(1) 正明**

須菩提！是般若波羅蜜於諸法無有力、無非力，亦無受、亦無與，不生不滅、不垢不淨、不增不減。

是波羅蜜亦非過去、非未來、非現在；不捨欲界、不住欲界，(515c) 不捨色界、不住色界，不捨無色界、不住無色界。<sup>15</sup>

是般若波羅蜜不與檀波羅蜜亦不捨，<sup>16</sup>不與尸波羅蜜亦不捨，不與羸提波羅蜜亦不捨，不與毘梨耶波羅蜜亦不捨，不與禪波羅蜜亦不捨，不與般若波羅蜜亦不捨。

不與內空亦不捨，乃至不與無法有法空亦不捨。不與四念處亦不捨<sup>17</sup>，乃至不與八聖道分亦不捨。不與佛十力亦不捨，乃至不與十八不共法亦不捨。

不與須陀洹果亦不捨，乃至不與阿羅漢果亦不捨；不與辟支佛道亦不捨，乃至不與一切智亦不捨。

是般若波羅蜜不與阿羅漢法、不捨凡人法，不與辟支佛法、不捨阿羅漢法，不與佛法、不捨辟支佛法。

是般若波羅蜜亦不與無為法、不捨有為法。

**(2) 釋因由**

何以故？若有諸佛、若無諸佛，是諸法相常住不異，法相、法住、法位常住，不謬不失故。」<sup>18</sup>

<sup>14</sup> 《大般若波羅蜜多經》卷 437〈41 無標幟品〉：「復次，善現！若菩薩摩訶薩修行般若波羅蜜多時，無如是想、如是分別、如是有得、如是戲論：『我能修行甚深般若波羅蜜多。』是菩薩摩訶薩能如實修行甚深般若波羅蜜多，亦能親近禮事諸佛，從一佛國至一佛國，供養恭敬、尊重讚歎諸佛世尊，遊諸佛國善取其相，嚴淨佛土、成熟有情，修諸菩薩摩訶薩行，疾證無上正等菩提。」(大正 7，201a22-29)

<sup>15</sup> 《大般若波羅蜜多經》卷 437〈41 無標幟品〉：「善現！如是般若波羅蜜多於一切法，非有自在、非無自在，不取不捨、不生不滅、不垢不淨、不增不減。善現！如是般若波羅蜜多，非過去、非未來、非現在，不趣欲界、不捨欲界、不住欲界，不趣色界、不捨色界、不住色界，不趣無色界、不捨無色界、不住無色界。」(大正 7，201a29-b6)

<sup>16</sup> 《大般若波羅蜜多經》卷 437〈41 無標幟品〉：「善現！如是般若波羅蜜多，於布施波羅蜜多乃至般若波羅蜜多不與不捨。」(大正 7，201b6-7)

<sup>17</sup> 捨+ (不與)【石】\*。(大正 25，515d，n.19)

<sup>18</sup> 《大般若波羅蜜多經》卷 437〈41 無標幟品〉：「何以故？善現！如來出世若不出世，如是諸法常無變易，法性、法界、法定、法住無謬失故。」(大正 7，201b20-22)

## 【論】

**參、勸信受持，說般若得無量福德**（承上卷 64）

**（壹）諸佛同說般若應信受**（承上卷 64）

**（貳）信受般若，離眾病患**

問曰：若受持般若、正憶念，猶有眾患，云何言「終不病眼」等？

答曰：是事，上〈功德<sup>19</sup>、地獄品<sup>20</sup>〉中已廣說，所謂非必受報業，故無眾患。<sup>21</sup>又常受持、正憶念、如所說行般若，故無眾患。

譬如良藥能破眾病；若不能將順<sup>22</sup>，則不除患，非藥之失。

又如癘<sup>23</sup>人雖得利器，不能御<sup>24</sup>難，非器之過。

行者如是，先世重罪、今世不如所說行，故不得般若力，非般若過。

**（參）為大眾說般若得無量福德**

**一、須菩提說**

**（一）釋「諸天云何至人間求聞般若」**

問曰：天上亦有般若波羅蜜，諸天何以於六齋日隨逐不淨人身求聞般若？

答曰：

**1、天上有經卷皆為傳聞，因人有三事勝諸天，能書寫受持般若，故諸天來**

**（1）辨天上是否有經卷**

**A、天上有經卷皆為傳聞，假令有者，忉利天上、兜率天上或可有經卷**

天上有經卷，傳聞如是，亦非佛說。

若令有者，忉利天上、兜率天上當有。何以故？

阿修羅共忉利天鬪時，佛（516a）勅帝釋：「汝當誦念般若。」

兜率天上常有補處菩薩為諸天說<sup>25</sup>，故可有。

**B、色界諸天受禪定味，不應有經卷**

色界諸天，身及衣服輕微，乃至無兩數；常樂宴寂，受禪定味<sup>26</sup>，是故不應有經卷。

<sup>19</sup> 〈功德品〉，參見《摩訶般若波羅蜜經》卷 8〈31 滅淨品〉（丹本名為〈現功德品〉）（大正 8，280c15-283a14），《大智度論》卷 56〈31 滅淨亂品〉（大正 25，460a28-463b12）。此品廣明受持般若得今世及後世功德。

<sup>20</sup> 〈地獄品〉，參見《摩訶般若波羅蜜經》卷 11〈41 信毀品〉（丹本名為〈泥梨品〉）（大正 8，304a17-306b22）；《大智度論》卷 62～卷 63〈41 信謗品〉（大正 25，500a29-506b14）。此品談到不信般若，毀謗般若故墮地獄中。

<sup>21</sup> 《正觀》（6），p.173：《大智度論》卷 57〈32 寶塔校量品〉（大正 25，464a13-26），《大智度論》卷 58〈34 勸受持品〉（大正 25，469c28-470a2）。

<sup>22</sup> （1）順＝慎【石】。（大正 25，515d，n.23）

（2）將順：1.順勢促成。（《漢語大詞典》（七），p.811）

<sup>23</sup> （1）癘＝儻【聖】。（大正 25，515d，n.24）

（2）癘（ろーム）：病。（《漢語大字典》（四），p.2702）

<sup>24</sup> 御＝禦【宋】【元】【明】【宮】。（大正 25，515d，n.25）

<sup>25</sup> 說+（法）【聖】【石】。（大正 25，516d，n.1）

<sup>26</sup> 味＝三昧【聖】【石】。（大正 25，516d，n.2）

**(2) 閻浮提人有三事勝諸天，能書寫受持般若，故諸天來**

諸天著二種樂：欲樂、定樂，不能懃苦書持般若波羅蜜。閻浮提人能精進書、持、受<sup>27</sup>學、正憶念。

如經說：「閻浮提人以三因緣勝諸天及鬱單曰<sup>28</sup>人<sup>29</sup>：一者、能斷淫<sup>30</sup>欲，二者、強識念力，三者、能精懃<sup>31</sup>勇猛。」<sup>32</sup>

是閻浮提人能書寫、讀、誦、受持，以是故諸天來下，禮拜般若經卷，或欲聞說。

**2、諸天遠來供養，自增益福德，又欲令眾生益加信敬故諸天來**

復有人言：天上若有經卷，遠來供養，福德增益，求般若波羅蜜亦無厭足。

有菩薩，天欲令般若尊重，故來下；欲令眾生益加信敬——「諸天尚來，何況我等！」行者若聞好香、若見光明——有如是希有事故，深心信樂般若。

又未離欲人，惡鬼、魔民常逐<sup>33</sup>伺便，令墮惡處；從四天王乃至淨居天——是大力諸天來，小鬼避去<sup>34</sup>。菩薩能生清淨大心，如先品中說。<sup>35</sup>是故來隨逐法師。

**3、法師於六齋日高座說法，故諸天皆來**

六齋日<sup>36</sup>，諸天來觀人心；十五日、三十日，上白諸天。

<sup>27</sup> (1) 精=受【宮】【聖】【石】。(大正 25, 516d, n.3)

(2)《大正藏》原作「精」，今依【宮】【聖】【石】及《高麗藏》作「受」(第 14 冊, 1025b14)。

<sup>28</sup> 鬱單曰=鬱單越【宋】【元】【明】【宮】。(大正 25, 516d, n.4)

<sup>29</sup> 淨：三事勝天。(印順法師，《大智度論筆記》[H001] p.390)

<sup>30</sup> 淫=姪【宋】【元】【明】【宮】\*。(大正 25, 516d, n.5)

<sup>31</sup> 精懃=精進【石】。(大正 25, 516d, n.6)

<sup>32</sup> (1)《長阿含經》卷 20 (30 經)〈世記經·忉利天品〉：

閻浮提有三事勝鬱單曰。何等為三？一者勇猛強記，能造業行；二者勇猛強記，能修梵行；三者勇猛強記，佛出其土。以此三事勝鬱單曰。……閻浮提人以此三事勝四天王。……閻浮提人亦以上三事勝忉利天、焰摩天、兜率天、化自在天、他化自在天。  
(大正 1, 135c5-25)

(2)《起世經》卷 8 (8 三十三天品)：

閻浮提洲有五種事勝瞿陀尼。何等為五？一者勇健，二者正念，三者佛出世處，四者是修業地，五者行梵行處。……閻浮提洲有五種事勝諸天龍，如上所說。(大正 1, 348a7-b5)

(3)《大毘婆沙論》卷 172：

契經說：「人有三事勝於諸天：一、勇猛，二、憶念，三、梵行。」

勇猛者，謂不見當果而能修諸苦行。

憶念者，謂能憶念久時所作，所說等事分明了了。

梵行者，謂能初種順解脫分、順決擇分等殊勝善根，及能受持別解脫戒。

由此因緣故名人趣。(大正 27, 867c19-25)

(4) 能斷姪欲

南洲三事勝天及北洲 強識念力

能精進勇猛

(印順法師，《大智度論筆記》[B023] p.156)

<sup>33</sup> 逐=逮【聖】。(大正 25, 516d, n.7)

<sup>34</sup> 去+(故)【聖】。(大正 25, 516d, n.8)

<sup>35</sup> 《正觀》(6), p.173：參見《摩訶般若波羅蜜經》卷 9 (36 阿難稱譽品)(大正 8, 289c8-28)；《放光般若經》卷 7 (37 無二品)(大正 8, 50c18-51a9)。

<sup>36</sup> 《大智度論》卷 13 (1 序品)：「如《四天王經》中佛說：月六齋日使者、太子及四天王自下觀察眾生布施、持戒、孝順父母少者，便上忉利以啟帝釋，帝釋、諸天心皆不悅，言：『阿修

復次，是六齋日是惡日，令人衰凶；若有是日受八戒，持齋、布施、聽法，是時諸天歡喜，小鬼不得其便，利益行者。是日法師高座說法。

#### 4、結

如是等種種因緣故諸天皆來<sup>37</sup>。

#### (二) 釋「為諸天及大眾說般若得無量福德」

說法者讚歎無量無邊無上法——所謂「般若波羅蜜」，亦得無量無邊福德。若為人說，人<sup>38</sup>鈍根、福德薄，故得福少；諸天利根、福德多、福田勝，故得福多。故佛<sup>39</sup>說：「行者，齋日，諸天及大眾中說般若，得福無量。」

#### 二、佛述成，並明得無量福德之因緣

##### (一) 佛述成

此中佛可須菩提所言。

##### (二) 明得無量福德之因緣

##### 1、歎般若為大珍寶，能拔苦，能與樂

復自說無量福（516b）德因緣，所謂般若波羅蜜是大珍寶波羅蜜。

如如意寶珠能滿一切人願；是般若波羅蜜能滿一切眾生願，所謂離苦、得樂。<sup>40</sup>

**離苦者**，般若波羅蜜能拔眾生地獄、畜生、餓鬼及人中貧窮。

**與樂者**，能與剎利大姓乃至阿耨多羅三藐三菩提。

是樂因緣善法，般若波羅蜜中廣說，所謂十善道乃至一切智。

如如意寶能出衣服、飲食、金銀等，隨意所須；般若波羅蜜亦如是，能令得十善道乃至一切智、剎利大姓乃至佛。以是事故，名為「珍寶波羅蜜」。

##### 2、歎般若為無所得珍寶

##### (1) 釋「珍寶波羅蜜中，無有法可得若生若滅」

復次，「珍寶波羅蜜」者，如人得如意寶，則隨意所須皆得，失則憂惱；是般若波羅蜜不生不滅，常不失，世世與眾生樂，末後令得佛道。

##### (2) 釋「珍寶波羅蜜，亦無有法若善若不善」

如人得如意寶，則心生自高，輕賤他人，是為衰因緣；若人得世間般若波羅蜜，亦如是分別，著諸善法、捨諸惡法，生高心、輕蔑餘人，則開諸罪門。

珍寶般若波羅蜜，出世間般若波羅蜜中，不分別善、不善，是名「大珍寶波羅蜜」，能利眾生，畢竟無憂。<sup>41</sup>

---

羅種多，諸天種少。」若布施、持戒、孝順父母多者，諸天帝釋心皆歡喜，說言：『增益天眾，減損阿修羅。』」（大正 25，160a10-16）

<sup>37</sup> 明註曰：「來」下，宋南藏有「不」字。（大正 25，516d，n.9）

<sup>38</sup> 〔人〕—【聖】。（大正 25，516d，n.10）

<sup>39</sup> 案：對應經文及依論說「佛可須菩提所言」，此疑為「須菩提」所說。

<sup>40</sup> 如如意珠，能滿一切眾生願，與樂拔苦。（印順法師，《大智度論筆記》〔H018〕p.390）

<sup>41</sup> 〔分別善惡——世間般若

二種般若—不別善惡——出世間般若（印順法師，《大智度論筆記》〔B023〕p.156）

**3、歎般若為無染珍寶**

是珍寶波羅蜜，「善法」尚不能污染，何況「不善法」！

**(三) 勸菩薩如般若而行故得利益****1、能自利利他，斷諸戲論，嚴土熟生****(1) 自利——無有法愛，斷諸戲論**

如此中說「如是亦不知」者，如上說般若相，<sup>42</sup>亦不<sup>43</sup>作是知、不作知者；不取相，亦不生著、不分別、不得定相。是名「無有過患、無有法愛、斷諸戲論」。

**(2) 利他——成熟諸眾生，嚴淨佛國土**

如是人能實修行般若波羅蜜，以法禮佛、自得實法利益故，能利益<sup>44</sup>眾生；能自離惡、能令眾生離惡故，得淨佛世界<sup>45</sup>。

用無所得方便力故，知諸法畢竟寂滅相，而能為眾生故起諸善法。

**2、明般若無有力、無非力，即是諸法實相，常住不異****(1) 釋「無有力、無非力」乃至「不捨、不與」****A、詳辨「無有力、無非力」**

般若波羅蜜畢竟清淨故，無力、無(516c)非力。譬如虛空，雖無有法，而因虛空得有所作。<sup>46</sup>

無有一法定相可著——故無有力；

得諸法實相，於諸善法無礙，乃至降魔成佛——非無有力。

**B、例餘**

「不受不與」、「不生不滅」等乃至「不捨有為法，不與無為法」，亦如是。

**(2) 釋因由：法性常住，不謬不失故**

此中說因緣：「有佛、無佛，諸法性常住世間。」

「諸法性」者，即是諸法實相——「諸法實相」者，即是般若波羅蜜。<sup>47</sup>

若以常、無常等求諸法實相，是皆為錯。

若人<sup>48</sup>入法性中求<sup>49</sup>，則無有錯謬；法性常故不失<sup>50</sup>。

**【經】****肆、諸天得益稱歎，佛示轉法輪真義****(壹) 諸天歡喜供養，稱歎見第二法輪轉**

爾時，諸天子虛空中立，發大音聲，踊躍歡喜，以漚<sup>51</sup>鉢羅華、波頭摩華<sup>52</sup>、拘物頭華<sup>53</sup>、

<sup>42</sup> 《正觀》(6)，p.174：簡單說，是指同一品所說「般若波羅蜜名為大珍寶」之經文《大智度論》卷 65〈43 無作實相品〉(大正 25，515b13-21)。

<sup>43</sup> 〔相亦不〕—【宋】【宮】。(大正 25，516d，n.12)

<sup>44</sup> 〔益〕—【宋】【元】【明】【宮】。(大正 25，516d，n.13)

<sup>45</sup> 世界=國土【石】。(大正 25，516d，n.14)

<sup>46</sup> 虛空：雖無有法，而因虛空得有所作。(印順法師，《大智度論筆記》〔E013〕p.309)

<sup>47</sup> 實相：所謂般若。(印順法師，《大智度論筆記》〔E001〕p.284)

<sup>48</sup> 〔人〕—【石】。(大正 25，516d，n.15)

<sup>49</sup> 〔求〕—【宋】【元】【明】【宮】。(大正 25，516d，n.16)

<sup>50</sup> 法性常住。(印順法師，《大智度論筆記》〔E005〕p.295)

分陀利華<sup>54</sup>而散佛上，如<sup>55</sup>是言：「我等於閻浮提見第二法輪轉<sup>56</sup>。」  
是中無量百千天子得無生法忍。

**（貳）佛答<sup>57</sup>**

**一、法輪非第一轉、非第二轉，無法有法空故無轉還**

佛告須菩提：「是法輪<sup>58</sup>非第一轉、非第二轉。是般若波羅蜜不為轉故出<sup>59</sup>、不為還故出，無法<sup>60</sup>有法空故。」<sup>61</sup>

**二、諸法自相空故，般若波羅蜜無轉無還**

**（一）須菩提問**

須菩提白佛言：「世尊！云何無法有法空故，般若波羅蜜不為轉、不為還故出？」

**（二）佛答**

佛言：「般若波羅蜜般若波羅蜜相空，乃至檀波羅蜜檀波羅蜜相空；內空內空相空，乃至無法有法空無法有法空相空；四念處四念處相空，乃至八聖道分八聖道分相空；佛十力佛十力相空，乃至十八不共法十八不共法相空；須陀洹果須陀洹果相空，斯陀含果斯陀含果相空，阿那含果阿那含果相空，阿羅漢果阿羅漢果相空，辟支佛道辟支佛道相空，一切種智一切種智相空。」<sup>62</sup>

**伍、須菩提歡喜稱歎，以二諦說般若**

**（壹）須菩提歎般若波羅蜜是摩訶波羅蜜，雖得無上菩提亦無所得，雖轉法輪而無所轉**

須菩提白佛言：「世尊！諸菩薩摩訶薩般若波羅蜜是摩訶波羅蜜！」

<sup>51</sup> 漚=優【元】【明】。（大正 25，516d，n.17）

<sup>52</sup> 波頭摩華=波頭暮【宋】【宮】【聖】。（大正 25，516d，n.18）

<sup>53</sup> 拘物頭華=拘物陀【宋】【宮】【聖】。（大正 25，516d，n.19）

<sup>54</sup> 李通玄撰，《新華嚴經論》卷 13：「優鉢羅華者，此云青色華，似藕，其葉狹長，近下小圓上漸尖，似佛眼故，其華莖無刺，准歎佛中目淨脩廣如青蓮，即是青蓮華葉也。波頭摩華者，此云赤蓮華；其華莖有刺。拘物頭華者，其莖有刺；或云赤白華，葉頭未開數時，狀如郁鬱然也。芬陀利華者，白蓮華也。」（大正 36，806c21-27）

<sup>55</sup> （作）+如【聖】。（大正 25，516d，n.20）

<sup>56</sup> 輪轉=轉輪【聖】，=轉法輪【石】。（大正 25，516d，n.21）

<sup>57</sup> 《大品經義疏》卷 7：「佛破，三句：畢竟空泯諸天一轉二轉之見，二用無法有法空泯轉還之見。說世間生為轉，說世間滅為還；今有法本空故不轉，無此空故不還。一問答總釋非一非二、非轉非還者，不破之也，自相空故了。」（卍新續藏 24，288c3-7）

<sup>58</sup> 法輪=法輪轉【聖】，=轉法輪【石】。（大正 25，516d，n.22）

<sup>59</sup> 〔故出〕-【宋】【宮】。（大正 25，516d，n.23）

<sup>60</sup> 法+（轉）【聖】。（大正 25，516d，n.24）

<sup>61</sup> 《大般若波羅蜜多經》卷 437〈41 無標幟品〉：「爾時，世尊告善現曰：『如是法輪非第一轉，亦非第二。何以故？善現！如是般若波羅蜜多於一切法不為轉故、不為還故出現世間，但以無性自性空故。』」（大正 7，201b28-c2）

<sup>62</sup> 《大般若波羅蜜多經》卷 437〈41 無標幟品〉：

佛告善現：「以般若波羅蜜多般若波羅蜜多性空故，乃至布施波羅蜜多布施波羅蜜多性空故；……一切相智道相智、一切相智性空故；異生性異生性性空故，預流果預流果性空故，乃至阿羅漢果阿羅漢果性空故，獨覺菩提獨覺菩提性空故；一切菩薩摩訶薩行一切菩薩摩訶薩行性空故，諸佛無上正等菩提諸佛無上正等菩提性空故。善現！以如是等法無性自性空故，如是般若波羅蜜多於一切法不為轉故、不為還故出現世間。」（大正 7，201c5-20）



何以故？雖一切（517a）法自相<sup>63</sup>空，而諸菩薩摩訶薩因般若波羅蜜得阿耨多羅三藐三菩提，亦無法可得。

轉法輪，亦無法可轉，亦無法可還；是摩訶般若<sup>64</sup>波羅蜜中，亦無有法可見。何以故？是法不可得若轉、若還，一切法畢竟不生故。

何以故？是空相不能轉、不能還，無相相不能轉、不能還，無作相不能轉、不能還。<sup>65</sup>

### （貳）以二諦說般若

#### 一、世俗諦——十門清淨說

若能如是<sup>(1)</sup>說般若波羅蜜，<sup>(2)</sup>教、<sup>(3)</sup>照<sup>66</sup>、<sup>(4)</sup>開、<sup>(5)</sup>示，<sup>(6)</sup>分別，<sup>(7)</sup>顯現，<sup>67</sup><sup>(9)</sup>解釋，<sup>(10)</sup>淺易——有能如是教者，是名清淨說般若波羅蜜。<sup>68</sup>

#### 二、勝義諦——畢竟空無說者，亦無畢定福田

亦無說者、亦無受者、亦無證者；若無說、無受、無證，亦無滅者，是說法中亦無畢定福田。」<sup>69</sup>

【論】釋曰<sup>70</sup>：

### 肆、諸天得益稱歎，佛示轉法輪真義

#### （壹）諸天歡喜供養，稱歎見第二法輪轉

##### 一、諸天歡喜供養稱歎

諸天聞般若，大<sup>71</sup>歡喜踊躍。

諸天身輕利根，分別著相，知有輕重；聞般若波羅蜜畢竟清淨、平等實相，大利益眾生，無有過者，是故踊<sup>72</sup>躍歡喜。

起身業、口業——持供養具蓮華等，供養於佛，作是言：「我等於閻浮提見第二法輪轉。」

<sup>63</sup> 相＝性【宋】【元】【明】【宮】【聖】。（大正 25，517d，n.1）

<sup>64</sup> 〔般若〕－【宋】【元】【明】【宮】。（大正 25，517d，n.2）

<sup>65</sup> 《大般若波羅蜜多經》卷 437〈41 無標幟品〉：

爾時，具壽善現復白佛言：「世尊！諸菩薩摩訶薩如是般若波羅蜜多，是大波羅蜜多達一切法自性空故。雖達一切法自性皆空，而諸菩薩摩訶薩依此般若波羅蜜多證得無上正等菩提，轉妙法輪度無量眾。雖證菩提而無所證，證、不證法不可得故；雖轉法輪而無所轉，轉法、還法不可得故；雖度有情而無所度，見、不見法不可得故。世尊！於此大般若波羅蜜多中，轉法輪事都不可得，以一切法永不生故，能轉、所轉不可得故。所以者何？非空、無相、無願法中，可有能轉及能還法，轉還性法不可得故。」（大正 7，201c21-202a3）

<sup>66</sup> 照＝詔【宋】【宮】。（大正 25，517d，n.3）

<sup>67</sup> 案：依論釋，在「顯現」與「解釋」之間，尚有「說法」一項，故此處序號依論釋標示。

<sup>68</sup> 《大般若波羅蜜多經》卷 437〈41 無標幟品〉：「世尊！於此般若波羅蜜多，若能如是宣說、開、示、分別、顯了、令易悟入，是名善淨宣說般若波羅蜜多。」（大正 7，202a3-5）

<sup>69</sup> 《大般若波羅蜜多經》卷 437〈41 無標幟品〉：「此中都無說者、受者、所說受法；既無說者、受者及法，諸能證者亦不可得；無證者故，亦無有能得涅槃者。於此般若波羅蜜多善說法中，亦無福田，施、受、施物皆性空故；福田無故，福亦性空，標幟名言皆不可得。是故名大波羅蜜多。」（大正 7，202a5-11）

<sup>70</sup> 曰＋（時）【石】。（大正 25，517d，n.5）

<sup>71</sup> （發）＋大【聖】。（大正 25，517d，n.6）

<sup>72</sup> 踊＝誦【明】。（大正 25，517d，n.7）

## 二、釋疑

### （一）佛說法皆名轉法輪，今云何言「第二法輪轉」？

問曰：初說法令人得道，是名轉法輪，今何以言「第二法輪轉<sup>73</sup>」？

若以佛說名為轉法輪者，皆是法輪，何限第二？

答曰：初說法名定實一法輪，因初轉乃至法盡，通名為「轉」。

是諸天見是會中多有人發無上道，得<sup>74</sup>無生法忍——見是利益，故讚言「第二轉法輪」。

初轉法輪——八萬諸天得無生法忍，阿若憍陳如一人得初道。

今無量諸天得無生法忍，是故說「第二法輪轉<sup>75</sup>」。

今轉法輪似如初轉。

### （二）云何以今勝事喻昔劣事

問曰：今轉法輪，多人得道；初轉法輪，得道者少。云何以大喻小？

答曰：諸佛事有二種：一者、密<sup>76</sup>，二者、現。<sup>77</sup>

初轉法（517b）輪——

聲聞人見八萬、一人得初道。

諸菩薩見無數阿僧祇人得聲聞道；無數人種辟支佛道因緣；無數阿僧祇人發無上道心；無數阿僧祇人行六波羅蜜道，得諸深三昧陀羅尼門；十方無量眾生得無生法忍；無量阿僧祇眾生從初地中乃至十地住；無量阿僧祇眾生得一生補處；無量阿僧祇眾生得坐道場，聞是法，疾成佛道。如是等不可思議相，是名密轉法輪相。<sup>78</sup>

譬如大雨，大樹則多受，小樹則少受。<sup>79</sup>

以是故，當知初轉法輪亦大，以<sup>80</sup>後喻前無咎！

### （貳）佛示轉法輪真義

#### 一、法輪非第一轉、非第二轉，無法有法空故般若無轉還

##### （一）釋「法輪非第一轉、非第二轉」

「轉法輪，非一、非二」者，為畢竟空及轉法輪果報涅槃<sup>81</sup>故如是說——是則因中說果。

<sup>73</sup> [轉] — 【石】。(大正 25, 517d, n.8)

<sup>74</sup> (行) + 得【聖】。(大正 25, 517d, n.9)

<sup>75</sup> 輪轉 = 轉輪【石】。(大正 25, 517d, n.10)

<sup>76</sup> 密 = 蜜【明】。(大正 25, 517d, n.11)

<sup>77</sup> 佛事有二。(印順法師，《大智度論筆記》[ B023 ] p.156)

「密——初轉法輪，菩薩見無量無數人得三乘道

佛事有二——現——初轉法輪，聲聞見八萬、一人得初道

(印順法師，《大智度論筆記》[ B023 ] p.156)

<sup>78</sup> 一、發無上心，二、行六度得深三昧總持，三、得無生忍，四、從初地至十地，五、得一生補處，六、坐道場成佛。(印順法師，《大智度論筆記》[ E019 ] p.318)

<sup>79</sup> 大樹，大雨多受；小樹，則少受；通《法華》。(印順法師，《大智度論筆記》[ E005 ] p.294)

<sup>80</sup> [以] — 【宋】【元】【明】【宮】。(大正 25, 517d, n.12)

<sup>81</sup> (執) + 涅槃【聖】【石】。(大正 25, 517d, n.13)

**（二）釋「無法有法空故般若無轉還」**

法輪<sup>82</sup>即是般若波羅蜜；<sup>83</sup>是般若波羅蜜無起無作相，故無轉無還。

如十二因緣中說：無明畢竟空故，不能實生諸行等；無明虛妄顛倒、無有實定故，無法可滅。<sup>84</sup>

說「世間生法」，故名為「轉」；說「世間滅法」，故名為「還」。般若波羅蜜中無此二事，故說「無轉、無還」。

「無法有法空故」<sup>85</sup>——「無轉」是「有法空」，「無還」是「無法空」。

**二、諸法自相空故，般若波羅蜜無轉無還——辨「問空答空」之意**

問曰：須菩提何以作是問——「有法無法空故，般若波羅蜜不為轉、不為還故出」？而佛還以空答？

答曰：

**（一）以無法有法空破非有非無，故說「無有轉，無有還」**

有人說：諸法有四種相<sup>86</sup>：一者、說「有」，二者、說「無」，三者、說「亦有亦無」，四者、說「非有非無」。

是中，邪憶念故四種邪行；著此四法故，名為邪道。

是中，正憶念故四種正行；中<sup>87</sup>不著故，名為正道。

是中破「非有非無」，故名「無法有法空」。

佛說乃至破「非有非無」，故說「無有轉，無有還」。

**（二）佛更說有法無法亦自相空，故說般若波羅蜜無轉、無還**

破「非有非無」有二種：一者、用上三句破，二者、用涅槃實（517c）相破。<sup>88</sup>

須菩提雖知佛以涅槃破有無，是中有新發意菩薩，或錯謬故用三句破非有非無，於無法有法空中還生邪見；是<sup>89</sup>故佛說「有法無法亦自相空」，是故說「般若波羅蜜無轉、無還」。

般若波羅蜜中無般若波羅蜜相，一切法無相<sup>90</sup>故；乃至檀波羅蜜亦如是。內空乃至一切種智相空，亦如是。

<sup>82</sup> 輪＝轉【元】【明】。（大正 25，517d，n.14）

<sup>83</sup> 法輪：般若是。（印順法師，《大智度論筆記》〔E002〕p.287）

<sup>84</sup> 不：緣起，不生不滅。（印順法師，《大智度論筆記》〔E010〕p.303）

<sup>85</sup> 十八空：無法是法空。（印順法師，《大智度論筆記》〔E005〕p.295）

<sup>86</sup> 諸法有四相┌說有┐  
└說亦有亦無┘┌說非有非無┘  
┌邪憶念四種行中著┐——邪道  
└正憶念四種行中不著┘——正道  
（印順法師，《大智度論筆記》〔B023〕p.157）

<sup>87</sup> （是）＋中【石】。（大正 25，517d，n.16）

<sup>88</sup> 非有非無二種破┌用上三句破┐  
└用涅槃實相破┘（印順法師，《大智度論筆記》〔B024〕p.157）

<sup>89</sup> 〔是〕－【宋】【元】【明】【宮】。（大正 25，517d，n.17）

<sup>90</sup> （自）＋相【聖】【石】。（大正 25，517d，n.18）

## 伍、須菩提歡喜稱歎，以二諦說般若

### （壹）須菩提歎般若波羅蜜是摩訶波羅蜜，雖得無上菩提亦無所得，雖轉法輪而無所轉

#### 一、總說

爾時，須菩提及大眾歡喜讚歎般若波羅蜜，作是言：「大波羅蜜，所謂般若波羅蜜！」  
「大波羅蜜」者，所謂一切法雖自性空，而般若波羅蜜能利益菩薩，令得阿耨多羅三藐三菩提；<sup>91</sup>雖得，亦無所得；雖轉法輪，亦無所轉。

#### 二、別釋

##### （一）一切法自性空故，雖得無上菩提亦無所得——一切皆空而歎般若為大波羅蜜

問曰：若諸法空、般若波羅蜜空、阿耨多羅三藐三菩提亦空，不應讚「般若為摩訶波羅蜜」？

答曰：此中說：「一切法自性空故，自性空中亦無自性空，是故名摩訶波羅蜜。」若無空相，不應作難。

以畢竟空故無所礙<sup>92</sup>，而能行諸善法，得阿耨多羅三藐三菩提——世俗法故，非第一義。

##### （二）一切法畢竟不生故，雖轉法輪亦無轉還

諸佛雖說法，令他得道、破煩惱；從此至彼，名為「轉」。

今我等諸<sup>93</sup>煩惱虛誑<sup>94</sup>、顛倒、妄語、無有定相；若無定相，為何所斷？<sup>95</sup>若無所斷，亦無轉、無還，是故說「雖轉法輪，亦無轉還」。

何以故？是般若波羅蜜中，無有法五眼所能見若轉、若還，一切法從本已來畢竟不生故。

##### （三）入三解脫門，雖轉法輪，亦無轉還

是自性空、畢竟空，非轉相<sup>96</sup>、非還相——畏墮常故「不轉」，畏墮滅故「不還」；畏墮有故「不轉」，畏墮無故「不還」；畏著世間故「不轉」，畏著涅槃故「不還」。

如是自性空、畢竟空、十八空等無量諸空——是空解脫門，不轉、不（518a）還。<sup>97</sup>無相、無作亦如是。

入是三解脫門，捨我我所心，是名說得解脫。

### （貳）以二諦說般若

#### 一、世俗諦——十門清淨說<sup>98</sup>

能如是不取相、不著心，說般若波羅蜜，教、照等。

<sup>91</sup> 般若名大：空而能益。（印順法師，《大智度論筆記》〔E018〕p.316）

<sup>92</sup> 礙=破【宋】【元】【明】【宮】。（大正 25，517d，n.20）

<sup>93</sup> 諸=著【聖】。（大正 25，517d，n.21）

<sup>94</sup> （諸）+虛誑【聖】。（大正 25，517d，n.22）

<sup>95</sup> 斷煩惱：斷與不斷。（印順法師，《大智度論筆記》〔E015〕p.311）

<sup>96</sup> 〔相〕—【宋】【宮】。（大正 25，517d，n.23）

<sup>97</sup> 諸法不轉生死，不入涅槃：無轉無還。（印順法師，《大智度論筆記》〔E013〕p.308）

<sup>98</sup> 十門解釋般若。（印順法師，《大智度論筆記》〔E013〕p.309）

- (1)「說」者，若案<sup>99</sup>文，若口傳。
- (2)「教」者，為人讚般若，令受持、讀、誦、正憶念。
- (3)「照」者，如人執燈照物；若人不知般若，以智慧明照之令知。
- (4)「開」者，如寶藏閉門，雖有好物而不能得；若開其門，則隨意所取。  
如人疑不信般若者，開邪疑扉、折無明關，是人則隨意所取。
- (5)「示」者，如人眼視不明，指示好醜；  
如人有小信小智者，示是道非道、是利是失等。
- (6)「分別」者，分別諸法——是善是不善、是罪是福、是世間是涅槃。經書略說，難解難信；能廣為<sup>100</sup>分別解說，令得信解。
- (7)「顯現」者，佛為種種眾生說種種法——或時毀訾善法、助不善法，趣令眾生得解。
- (8)「說法」者，說佛意趣以應眾生，令知輕重相。
- (9)「解釋」者，如囊中寶物，繫口則人不知；若為人解經卷囊，解釋義理。  
又如重物，披析令輕；種種因緣譬喻，解釋本末令易解。
- (10)「淺易」者，如深水難渡，有人分散此水令淺，則渡者皆易；般若波羅蜜如水甚深，論議方便力故種種說，能令淺易，乃至小智之人皆能信解。  
能以十種為首說甚深義，是名「清淨說般若波羅蜜義」。

## 二、勝義諦——畢竟空無說者，亦無畢定福田

### (一) 釋「第一義中無說乃至無福田」

第一義中，實<sup>101</sup>無所說——畢竟空故「無說」，無說故「無受」，無受故「無證」，無證故「無滅諸煩惱者」，若無滅煩惱則「無福田」。

### (二) 釋「受乃至無畢定福田」

「受」者名信受、讀、誦。

行是法，得沙門果、無生法忍，是名為「證」。

證時，諸煩惱滅，得有餘涅槃。

得有餘涅槃故是畢定福田。

畢定者，諸法同無餘涅槃（518b）繫性，故說<sup>102</sup>「無畢定福田」。

<sup>99</sup> 案：15.通“按”。依據，按照。16.通“按”。查考，考核。17.通“按”。按語。（《漢語大詞典》（四），p.1008）

<sup>100</sup> [為]—【石】。（大正 25，518d，n.3）

<sup>101</sup> 實=寶【明】。（大正 25，518d，n.5）

<sup>102</sup> 說+（亦）【宋】【元】【明】【宮】。（大正 25，518d，n.7）

〈釋諸波羅蜜品第四十四<sup>103</sup>〉

（大正 25，518b2-522a6）

【經】

陸、歎般若導諸行到彼岸究竟<sup>104</sup>

（壹）法說歎（No.01~No.17）

爾時，慧命須菩提白佛言：

一、無邊波羅蜜，如虛空無邊故（No.01）

「世尊！無邊波羅蜜是般若波羅蜜。」

佛言：「如虛空無邊故。」（一）<sup>105</sup>

二、等波羅蜜，一切法等故（No.02）

「世尊！等波羅蜜是般若波羅蜜。」

佛言：「諸法等故。」<sup>106</sup>（二）

三、離波羅蜜，畢竟空故（No.03）

「世尊！離波羅蜜是般若波羅蜜。」

佛言：「畢竟空故。」（三）

四、不壞波羅蜜，一切法不可得故（No.04）

「世尊！不壞波羅蜜是般若波羅蜜。」

佛言：「一切法不可得故。」<sup>107</sup>（四）

五、無彼岸波羅蜜，無名無身故（No.05）

「世尊！無彼岸波羅蜜是般若波羅蜜。」

佛言：「無名無身故。」<sup>108</sup>（五）

<sup>103</sup>（1）（《大智度論釋諸波羅蜜品第四十四》）十四字 = （《大智度論釋第四十四品經遍歎品》）十四字【宮】， = （《大智度論釋第四十三品百波羅蜜品》）十五字【聖】， = （《摩訶般若波羅蜜品第四十三百波羅蜜品》）十七字【石】，〔大智度論〕—【明】。（大正 25，518d，n.9）

（2）四 + （經作百波羅蜜遍歎品）夾註【明】。（大正 25，518d，n.10）

<sup>104</sup>《大品經義疏》卷 7：「行諸行皆到彼岸，所以皆云般若波羅蜜也。品九十句為四：一、法說歎、二、譬喻歎、三、離<sup>\*</sup>過歎、四、得門歎。」（卍新續藏 24，289a8-10）

※「雖」疑「離」。（卍新續藏 24，289d，n.2）

※案：《卍新續藏》原作「雖」，今依校勘作「離」。

<sup>105</sup>石山本無「一」乃至「十七」等記數。（大正 25，518d，n.11）

<sup>106</sup>《大般若波羅蜜多經》卷 437〈42 不可得品〉：

「世尊！如是般若波羅蜜多是平等波羅蜜多。」

佛言：「如是！以一切法性平等故。」（大正 7，202a15-16）

<sup>107</sup>《大般若波羅蜜多經》卷 437〈42 不可得品〉：

「世尊！如是般若波羅蜜多是難屈伏波羅蜜多。」

佛言：「如是！一切法性不可得故。」（大正 7，202a18-20）

<sup>108</sup>《大般若波羅蜜多經》卷 437〈42 不可得品〉：

「世尊！如是般若波羅蜜多是無彼岸波羅蜜多。」

佛言：「如是！無名、體故。」（大正 7，202a20-21）

**六、空種波羅蜜，出入息不可得故** (No.06)

「世尊！空種波羅蜜是般若波羅蜜。」  
佛言：「入出息不可得故。」<sup>109</sup> (六)

**七、不可說波羅蜜，覺觀不可得故** (No.07)

「世尊！不可說波羅蜜是般若波羅蜜。」  
佛言：「覺觀不可得故。」(七)

**八、無名波羅蜜，受、想、行、識不可得故** (No.08)

「世尊！無名波羅蜜是般若波羅蜜。」  
佛言：「受、想、行、識不可得故。」<sup>110</sup> (八)

**九、無去波羅蜜，一切法無來無去故** (No.09)

「世尊！不去波羅蜜是般若波羅蜜。」  
佛言：「一切法不來故。」<sup>111</sup> (九)

**十、無移波羅蜜，一切法不可伏故** (No.10)

「世尊！無移<sup>112</sup>波羅蜜是般若波羅蜜。」  
佛言：「一切法不可伏<sup>113</sup>故。」<sup>114</sup> (十)

**十一、盡波羅蜜，一切法畢竟盡故** (No.11)

「世尊！盡波羅蜜是般若波羅蜜。」  
佛言：「一切法畢竟盡故。」<sup>115</sup> (十一)

**十二、無生波羅蜜，一切法不滅故** (No.12)

「世尊！不生波羅蜜是般若波羅蜜。」  
佛言：「一切法不滅故。」(十二)

<sup>109</sup> 《大般若波羅蜜多經》卷 437〈42 不可得品〉：  
「世尊！如是般若波羅蜜多是虛空波羅蜜多。」  
佛言：「如是！入息、出息不可得故。」(大正 7，202a21-23)

<sup>110</sup> 《大般若波羅蜜多經》卷 437〈42 不可得品〉：  
「世尊！如是般若波羅蜜多是無名波羅蜜多。」  
佛言：「如是！受、想、思、觸及作意等不可得故。」(大正 7，202a25-27)

<sup>111</sup> 《大般若波羅蜜多經》卷 437〈42 不可得品〉：  
「世尊！如是般若波羅蜜多是無行波羅蜜多。」  
佛言：「如是！以一切法無來去故。」(大正 7，202a27-28)

<sup>112</sup> 移：2.變動，改變。(《漢語大詞典》(八)，p.73)

<sup>113</sup> 伏：1.覆也。(《漢語大詞典》(一)，p.1180)

<sup>114</sup> 《大般若波羅蜜多經》卷 437〈42 不可得品〉：  
「世尊！如是般若波羅蜜多是不可奪波羅蜜多。」  
佛言：「如是！以一切法不可伏故。」(大正 7，202a29-b1)

<sup>115</sup> 《大般若波羅蜜多經》卷 437〈42 不可得品〉：  
「世尊！如是般若波羅蜜多是無盡波羅蜜多。」  
佛言：「如是！以一切法是畢竟盡不可盡故。」(大正 7，202b1-3)

**十三、不滅波羅蜜，一切法不生故** (No.13)

「世尊！不滅波羅蜜是般若波羅蜜。」  
佛言：「一切法不生故。」<sup>116</sup>（十三）

**十四、無作波羅蜜，作者不可得故** (No.14)

「世尊！無作波羅蜜是般若波羅蜜。」  
佛言：「作者不可得故。」（十四）

**十五、無知波羅蜜，知者不可得故** (No.15)

「世尊！無知波羅蜜是般若波羅蜜。」  
佛言：「知者不可得故。」<sup>117</sup>（十五）

**十六、不到波羅蜜，生死不可得故** (No.16)

「世尊！不到波羅蜜是般若波羅蜜。」  
佛言：「生死不可得故。」<sup>118</sup>（十六）

**十七、不失波羅蜜，一切法不失故** (No.17)

「世尊！不失波羅蜜是般若波羅蜜。」  
佛言：「一切法不失故。」（十七）

【論】釋曰：

**陸、歎般若導諸行到彼岸究竟**

**（壹）法說歎**（釋 No.01~No.17）

**一、無邊波羅蜜，如虛空無邊故** (No.01)

**（一）須菩提歎般若波羅蜜之殊勝**

「無邊波羅蜜」者，須菩提聞佛說大珍寶波羅蜜義，<sup>119</sup>因而自讚般若<sup>120</sup>為<sup>121</sup>摩訶波羅蜜；<sup>122</sup>又以智慧深入種種法門，觀般若波羅蜜如大<sup>123</sup>海水無量無邊；深知般若(518c)

<sup>116</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無生滅波羅蜜多。」

佛言：「如是！以一切法無生滅故。」（大正 7，202b3-5）

<sup>117</sup>（1）《大般若波羅蜜多經》卷 437〈42 不可得品〉：

「世尊！如是般若波羅蜜多是無知波羅蜜多。」

佛言：「如是！以一切法性皆鈍故。」（大正 7，202b7-8）

（2）《放光般若經》卷 10〈45 等品〉：

「世尊！波羅蜜無有智。」

佛言：「智者不可見故。」（大正 8，68b11）

<sup>118</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無移轉波羅蜜多。」

佛言：「如是！由死生者不可得故。」（大正 7，202b9-10）

<sup>119</sup> 參見《大智度論》卷 65〈43 無作實相品〉：「須菩提！般若波羅蜜是大珍寶。」（大正 25，515a21-22）

<sup>120</sup>（為）+若【宋】【元】【宮】，若+（波羅蜜）【聖】【石】。（大正 25，518d，n.12）

<sup>121</sup> 為=若【宋】【元】，〔為〕-【宮】。（大正 25，518d，n.13）

<sup>122</sup> 《大智度論》卷 65〈43 無作實相品〉：「須菩提白佛言：『世尊！諸菩薩摩訶薩般若波羅蜜是摩訶波羅蜜！何以故？雖一切法自相空，而諸菩薩摩訶薩因般若波羅蜜得阿耨多羅三藐三菩提，亦無法可得；轉法輪，亦無法可轉、亦無法可還。』」（大正 25，516c28-517a3）



波羅蜜功德，因發大歡喜；欲以種種因緣讚歎般若，是故白佛言：「世尊！無邊波羅蜜是般若波羅蜜。」

## （二）辨「無邊」義

### 1、從品初至末皆是「無邊義」，廣說則無量

「無邊」義，從品初至竟，皆是無邊義；妨說餘事故略說，若廣說則無量。

### 2、得般若波羅蜜，則無「常、無常」等諸邊，故言無邊

復次，常是一邊、無常是一邊，我、無我，有、無<sup>124</sup>，世間有邊、無邊，眾生有邊、無邊——如是等法，名為邪見邊；<sup>125</sup>得般若波羅蜜，則無是諸邊，故言「無邊」。<sup>126</sup>

### 3、如虛空無邊，般若波羅蜜亦無邊

復次，譬如物盡處名為「邊<sup>127</sup>」，虛空無色無形故無邊。

般若波羅蜜畢竟清淨故無有邊、無有盡、無<sup>128</sup>取處、無受<sup>129</sup>處；是<sup>130</sup>故佛答：「如虛空無邊故，般若波羅蜜亦無邊。」

## 二、等波羅蜜，一切法等故 (No.02)

菩薩得法忍，觀一切法皆平等，是故說「一切法等」，故言「等波羅蜜」。

## 三、離波羅蜜，畢竟空故 (No.03)

菩薩用畢竟空心離諸煩惱，亦離諸法，是故名「離波羅蜜」。

## 四、不壞波羅蜜，一切法不可得故 (No.04)

菩薩用是般若波羅蜜，總相、別相求諸法，不得定相如毛髮許；以不可得故，於一切法心不著。

若有邪見戲論人用邪見著心，欲破壞是菩薩；是菩薩無所著故，不可破壞，是名「不壞波羅蜜」。

## 五、無彼岸波羅蜜，無名無身故 (No.05)

此岸名為生死，彼岸名<sup>131</sup>涅槃，中有諸煩惱大河；<sup>132</sup>一切出家人欲捨此岸，貪著彼岸；而般若波羅蜜無彼岸——彼岸是涅槃，無色無名，是故說：「無色無名故，是名無彼岸波羅蜜。」

<sup>123</sup> [大]—【宋】【宮】【聖】。(大正 25, 518d, n.14)

<sup>124</sup> 我無我有無=無我有我【聖】。(大正 25, 518d, n.16)

<sup>125</sup> 邊。(印順法師，《大智度論筆記》[E013] p.309)

<sup>126</sup> 《大智度論》卷 1〈1 序品〉：「復次，著常顛倒眾生，不知諸法相似相續有；如是人觀無常，是對治悉檀，非第一義。何以故？一切諸法自性空故。如說偈言：『無常見有常，是名為顛倒；空中無無常，何處見有常？』」(大正 25, 60b13-18)

<sup>127</sup> (有)+邊【元】【明】【石】。(大正 25, 518d, n.17)

<sup>128</sup> 無=處無有【元】【明】【聖】【石】。(大正 25, 518d, n.18)

<sup>129</sup> 受=愛【石】。(大正 25, 518d, n.19)

<sup>130</sup> (無著處)+是【宋】【元】【明】【聖】【石】。(大正 25, 518d, n.20)

<sup>131</sup> 名=是【石】。(大正 25, 518d, n.22)

<sup>132</sup> 「此岸——生死

兩岸中流—中流——煩惱

└─彼岸——涅槃

(印順法師，《大智度論筆記》[B024] p.157)

**六、空種波羅蜜，出入息不可得故** (No.06)

有虛空則有出入息，出入息皆從虛誑業因緣生；出者非入，入者非出，念念生滅，不可得實相；息不可得故，一切法亦不可得；不可得故，名「空種波羅蜜」。

**七、不可說波羅蜜，覺觀不可得故** (No.07)

一切法空寂相故不須覺觀；覺觀無故，則無言說；無言說故，說「般若波羅蜜斷語言道」，是故名「不可說波羅蜜」。

**八、無名波羅蜜，受、想、行、識不可得故** (No.08)

二法攝一切法，所謂名、色——(519a) 四大及造色，色所攝；受等四眾，名所攝。

分別諸法者說：「般若波羅蜜是智慧相，故『名』所攝。」

今實不離色是名、不離名是色<sup>133</sup>，是般若波羅蜜無知相，故說「受、想、行、識不可得」，故言「無名波羅蜜」。

**九、無去波羅蜜，一切法無來無去故** (No.09)

一切法無來無去故，名「無去波羅蜜」。

**十、無移波羅蜜，一切法無人能破故** (No.10)

般若波羅蜜是三世十方佛法藏，以三法印印<sup>134</sup>，無天無人能破，故名「無移波羅蜜」。

**十一、盡波羅蜜，一切法畢竟盡故** (No.11)

諸有為法念念盡滅，無有住時。若爾者，過去法不盡，未來法亦不盡，現在法不住故不盡；三世盡不可得故，名為「畢竟盡」；畢竟盡故，名「盡波羅蜜」。

**十二、無生波羅蜜，一切法不生故** (No.12)

一切法三世中生不可得故無生，無生故名「無生波羅蜜」。

**十三、不滅波羅蜜，一切法不滅故** (No.13)

「不滅波羅蜜」亦如是。

**十四、無作波羅蜜，作者不可得故** (No.14)

作有二種：一者、眾生作，二者、法作。<sup>135</sup>

眾生作者，布施、持戒等；

法作者，火燒、水爛，心識所知。

眾生空故，無作者；一切法鈍，不起作<sup>136</sup>相故，法亦不作——是二無作，故名「無作波羅蜜」。

**十五、無知波羅蜜，知者不可得故** (No.15)

「無知波羅蜜」亦如是，一切法鈍故<sup>137</sup>無所知。

<sup>133</sup> 心境互不相離：名色不相離。(印順法師，《大智度論筆記》[E004] p.292)

<sup>134</sup> 印：11.印證。(《漢語大詞典》(二)，p.512)

<sup>135</sup> 「眾生作——如布施等

二種作「法作——如火燒水爛 (印順法師，《大智度論筆記》[B024] p.158)

<sup>136</sup> (不) + 作【宋】【元】【明】【宮】【聖】。(大正 25, 519d, n.1)

<sup>137</sup> (1)《大智度論》卷 62〈41 信謗品〉：「佛告須菩提：『是般若波羅蜜，無有聞者、無有見

**十六、不到波羅蜜，生死不可得故** (No.16)

天眼見有生死。

用空慧眼見，生死不可得；生死不可得故，今世眾生死，無到後世者，但五眾先業因緣相續生，故名「不到波羅蜜」。

**十七、不失波羅蜜，一切法不失故** (No.17)

般若波羅蜜不失諸法實相，亦能令一切法不失實相；離般若波羅蜜，一切法皆失。觀一切法實相，得般若波羅蜜，是故名「不失波羅蜜」。

**【經】****(貳) 譬喻歎** (No.18~No.22)**一、夢波羅蜜，夢中所見不可得故** (No.18)

「世尊！夢波羅蜜是般若波羅蜜。」

佛言：「乃至夢中所見不可得故。」(十八)<sup>138</sup>

**二、響波羅蜜，聞聲者不可得故** (No.19)

「世尊！響波羅蜜是般若波羅蜜。」

佛言：「聞聲者不可得故。」(十九)

**三、影波羅蜜，鏡面不可得故** (No.20)

「世尊！影波羅蜜是般若波羅蜜。」

佛言：「鏡面不可得故。」<sup>139</sup> (二十)

**四、焰波羅蜜，水流不可得故** (No.21)

「世尊！焰<sup>140</sup>波羅蜜是般若波羅蜜。」(519b)

佛言：「水流不可得故。」<sup>141</sup> (二十一)

者；般若波羅蜜無聞、無見，諸法鈍故。禪波羅蜜、毘梨耶波羅蜜、羸提波羅蜜、尸羅波羅蜜、檀波羅蜜無聞、無見，諸法鈍故。』(大正 25, 500b17-20)

## (2) 《大智度論》卷 62 〈41 信謗品〉：

須菩提聞說見經卷如見佛、讀經文如從佛聞，如似有著；是故問：「般若可見可聞耶？」須菩提意：以般若波羅蜜畢竟空，天眼、天耳猶不能見聞，何況肉眼、肉耳！出世間慧眼亦不得見，何況世間眼！

佛順其意答：「般若波羅蜜不可得見聞。」

此中說因緣：諸法入般若波羅蜜中，皆一相、無相，是中無分別聞者、見者及可聞、可見。三界凡夫人作分別：是眼、是色，是耳、是聲；六情是利，六塵是鈍；色等諸法是鈍，慧等是利。諸法入般若波羅蜜中，如百川歸海，皆為一味，是故說：「般若波羅蜜不可見、不可聞，以諸法鈍故。」從檀波羅蜜乃至佛道，須陀洹乃至佛，亦如是。復次，眾生離法，不能聞、不能見；法離眾生，亦不能聞、不能見。(大正 25, 501c5-20)

<sup>138</sup> 石山本無「十八」乃至「四十三」等記數。(大正 25, 519d, n.3)

<sup>139</sup> 《大般若波羅蜜多經》卷 437 〈42 不可得品〉：

「世尊！如是般若波羅蜜多是如影像波羅蜜多。」

佛言：「如是！諸法皆如光鏡所現不可得故。」(大正 7, 202b16-18)

<sup>140</sup> 《大智度論》卷 6 〈1 序品〉：「『如炎』者，炎以日光風動塵故，曠野中見如野馬，無智人初見謂之為水。男相、女相亦如是，結使煩惱日光熱諸行塵，邪憶念風，生死曠野中轉，無智慧者謂為一相，為男、為女。是名『如炎』。」(大正 25, 102b1-6)

**五、幻波羅蜜，術事不可得故** (No.22)

「世尊！幻波羅蜜是般若波羅蜜。」

佛言：「術事不可得故。」<sup>142</sup>（二十二）

**(參) 離過歎** (No.23~No.43)

**一、不垢波羅蜜，諸煩惱不可得故** (No.23)

「世尊！不垢波羅蜜是般若波羅蜜。」

佛言：「諸煩惱不可得故。」（二十三）

**二、無淨波羅蜜，煩惱虛誑故** (No.24)

「世尊！無淨波羅蜜是般若波羅蜜。」

佛言：「煩惱虛誑故。」<sup>143</sup>（二十四）

**三、不污波羅蜜，處不可得故** (No.25)

「世尊！不污波羅蜜是般若波羅蜜。」

佛言：「處不可得故。」<sup>144</sup>（二十五）

**四、不戲論波羅蜜，一切戲論憶想分別滅故** (No.26)

「世尊！不戲論波羅蜜是般若波羅蜜。」

佛言：「一切戲論破故。」（二十六）

**五、無念波羅蜜，一切念破故** (No.27)

「世尊！不念波羅蜜是般若波羅蜜。」

佛言：「一切念破故。」<sup>145</sup>（二十七）

**六、不動波羅蜜，法性常住故** (No.28)

「世尊！不動波羅蜜是般若波羅蜜。」

佛言：「法性常住故。」<sup>146</sup>（二十八）

---

<sup>141</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是如焰幻波羅蜜多。」

佛言：「如是，以一切法如流變相不可得故。」（大正 7，202b18-20）

<sup>142</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是如變化事波羅蜜多。」

佛言：「如是！以一切法如所變化不可得故。」（大正 7，202b20-22）

<sup>143</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無染淨波羅蜜多。」

佛言：「如是！諸染淨因不可得故。」（大正 7，202b24-26）

<sup>144</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無所得、不可塗染波羅蜜多。」

佛言：「如是！諸所依法不可得故。」（大正 7，202b26-28）

<sup>145</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無慢執波羅蜜多。」

佛言：「如是！破壞一切慢執事故。」（大正 7，202c1-2）

<sup>146</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無動轉波羅蜜多。」

佛言：「如是！住法界故。」（大正 7，202c2-4）

**七、無染波羅蜜，知一切法妄解故** (No.29)

「世尊！無染波羅蜜是般若波羅蜜。」

佛言：「知一切法妄解故。」<sup>147</sup> (二十九)

**八、不起波羅蜜，一切法無分別故** (No.30)

「世尊！不起波羅蜜是般若波羅蜜。」

佛言：「一切法無分別故。」<sup>148</sup> <sup>149</sup> (三十)

**九、寂滅波羅蜜，一切法相不可得故** (No.31)

「世尊！寂滅波羅蜜是般若波羅蜜。」

佛言：「一切法相不可得故。」(三十一)

**十、無欲波羅蜜，欲自性不可得故** (No.32)

「世尊！無欲波羅蜜是般若波羅蜜。」

佛言：「欲不可得故。」<sup>150</sup> (三十二)

**十一、無瞋波羅蜜，瞋恚性畢竟無所有故** (No.33)

「世尊！無瞋波羅蜜是般若波羅蜜。」

佛言：「瞋恚不實故。」(三十三)

**十二、無癡波羅蜜，無明黑闇破故** (No.34)

「世尊！無癡波羅蜜是般若波羅蜜。」

佛言：「無明黑闇滅故。」(三十四)

**十三、無煩惱波羅蜜，分別憶想虛妄故** (No.35)

「世尊！無煩惱波羅蜜是般若波羅蜜。」

佛言：「分別憶想虛妄故。」<sup>151</sup> (三十五)

<sup>147</sup> (1)《摩訶般若波羅蜜經》卷 12〈44 遍歎品〉：

「世尊！無染波羅蜜是般若波羅蜜。」

佛言：「知一切法無<sup>\*</sup>妄解故。」(大正 8, 312a25-26)

※〔無〕—【宋】【元】【明】【宮】【聖】。(大正 8, 312d, n.6)

(2)《大般若波羅蜜多經》卷 437〈42 不可得品〉：

「世尊！如是般若波羅蜜多是離染濁波羅蜜多。」

佛言：「如是！覺一切法不虛妄故。」(大正 7, 202c4-6)

<sup>148</sup> 一切法無分別故=不生性【聖】。(大正 25, 519d, n.5)

<sup>149</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無等起波羅蜜多。」

佛言：「如是！於一切法無分別故。」(大正 7, 202c6-7)

<sup>150</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無貪欲波羅蜜多。」

佛言：「如是！諸貪欲事不可得故。」(大正 7, 202c9-11)

<sup>151</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無煩惱波羅蜜多。」

佛言：「如是！離分別故。」(大正 7, 202c15-16)

**十四、無眾生波羅蜜，眾生無所有故** (No.36)

「世尊！無眾生波羅蜜是般若波羅蜜。」  
佛言：「眾生無所有故。」(三十六)

**十五、斷波羅蜜，諸法不起故** (No.37)

「世尊！斷<sup>152</sup>波羅蜜是般若波羅蜜。」  
佛言：「諸法不起故。」<sup>153</sup> (三十七)

**十六、無二邊波羅蜜，離二邊故** (No.38)

「世尊！無二邊波羅蜜是般若波羅蜜。」  
佛言：「離二邊故。」(三十八)

**十七、不破波羅蜜，一切法不相離故** (No.39)

「世尊！不破波羅蜜是般若波羅蜜。」  
佛言：「一切法不相離故。」<sup>154</sup> (三十九)

**十八、不取波羅蜜，過聲聞、辟支佛地故** (No.40)

「世尊！不取波羅蜜是般若波羅蜜。」  
佛言：「過聲聞辟支佛地故。」<sup>155</sup> (四十)

**十九、無分別波羅蜜，妄想分別不可得故** (No.41)

「世尊！不分別波羅蜜是般若波羅蜜。」  
佛言：「諸妄想不可得故。」(四十一)

**二十、無量波羅蜜，一切法量不可得故** (No.42)

「世尊！無量波羅蜜是般若波羅蜜。」  
佛(519c)言：「諸法量不可得故。」<sup>156</sup> (四十二)

<sup>152</sup> (無) + 斷【聖】\*。(大正 25, 519d, n.6)

<sup>153</sup> (1)《放光般若經》卷 10〈45 等品〉：

「世尊！波羅蜜無所除。」

答言：「諸法無所處故。」(大正 8, 68c2-3)

(2)《大般若波羅蜜多經》卷 437〈42 不可得品〉：

「世尊！如是般若波羅蜜多是無斷壞波羅蜜多。」

佛言：「如是！此能等起一切法故。」(大正 7, 202c18-20)

《大般若波羅蜜多經》卷 507〈12 讚德品〉(大正 7, 589a5-7) 文同。

(3)《大般若波羅蜜多經》卷 545〈9 讚歎品〉：「是為無斷波羅蜜多，以一切法無等起故。」

(大正 7, 805b4-5)

《大般若波羅蜜多經》卷 559〈9 清淨品〉(大正 7, 887b22-23) 文同。

<sup>154</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無離\*壞波羅蜜多。」

佛言：「如是！知一切法不相屬故。」(大正 7, 202c21-23)

※離=雜【宋】【元】【明】。(大正 7, 202d, n.6)

<sup>155</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無取著波羅蜜多。」

佛言：「如是！超過聲聞、獨覺地故。」(大正 7, 202c23-25)

<sup>156</sup> 《大般若波羅蜜多經》卷 437〈42 不可得品〉：

**二十一、虛空波羅蜜，一切法無所有故** (No.43)

「世尊！虛空波羅蜜是般若波羅蜜。」

佛言：「一切法無所有故。」<sup>157</sup> (四十三)

**【論】**釋曰：

**(貳) 譬喻歎** (釋 No.18 夢波羅蜜～No.22 幻波羅蜜)

**一、夢波羅蜜，夢中所見不可得故** (No.18)

須菩提讚般若波羅蜜，示眾生世間空如夢。

佛言：夢亦不可得故名「夢波羅蜜」<sup>158</sup>。

**二、響波羅蜜，影波羅蜜，焰波羅蜜，幻波羅蜜皆不可得故** (No.19～No.22)

響、影、焰、幻<sup>159</sup>亦如是。

**三、本事皆空，是喻亦空**

人心以聲為實，以響為虛；影以人<sup>160</sup>面鏡為實，像為虛；焰以風、塵、日光為實，水為虛；幻以祝術<sup>161</sup>為實，祝術所作為虛。

須菩提讚般若以喻為空。

佛說喻、本事皆空；本事皆空故，是喻亦空。

**(參) 離過歎** (釋 No.23 無垢波羅蜜～No.43 虛空波羅蜜)

**一、不垢波羅蜜：諸煩惱不可得故，二、無淨波羅蜜：煩惱虛誑故**

**(一) 明「無垢波羅蜜」** (No.23)

是般若波羅蜜無垢，能斷滅一切垢。

佛言：諸煩惱從本已來常無，今何所斷？是故名「無垢波羅蜜」。

**(二) 明「無淨波羅蜜」** (No.24)

「無淨波羅蜜」亦如是。

無煩惱即是「淨」。

**三、不污波羅蜜，處不可得故** (No.25)

淫欲、瞋恚等諸煩惱名為「污」；是般若波羅蜜，一切垢法所不污。

六情是諸煩惱處；六情及一切法，諸煩惱緣處、住處皆不可得，故名「不污波羅蜜」。

「世尊！如是般若波羅蜜多是無限量波羅蜜多。」

佛言：「如是！諸法分齊不可得故。」(大正 7，202c27-29)

<sup>157</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是如虛空波羅蜜多。」

佛言：「如是！達一切法無滯礙故。」(大正 7，202c29-203a1)

<sup>158</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是如夢波羅蜜多。」

佛言：「如是！以一切法如夢所見不可得故。」(大正 7，202b12-14)

<sup>159</sup> (化) + 幻【石】。(大正 25，519d，n.7)

<sup>160</sup> [人] - 【宋】【元】【明】【宮】【聖】。(大正 25，519d，n.8)

<sup>161</sup> 《大智度論》卷 73〈56 轉不轉品〉：「祝術者，能翳身令人不見，能變人為畜獸，如是等種種祝術。」(大正 25，577a10-12)

**四、不戲論波羅蜜，一切戲論憶想分別滅故** (No.26)

得是般若波羅蜜，一切戲論憶想分別滅，故名「不戲論波羅蜜」。

**五、無念波羅蜜，一切念破故** (No.27)

一切法畢竟空故，無憶<sup>162</sup>、無念相<sup>163</sup>；無憶、無念相，故名「無念波羅蜜」。

**六、不動波羅蜜，法性常住** (No.28)

住法性菩薩，一切論議者所不能勝，一切結使邪見所不能覆；一切法無常破壞，心不生憂——如是等因緣，故名「不動波羅蜜」。

**七、無染波羅蜜，知一切法妄解故** (No.29)

一切法妄解，非但愛染，故名「無染波羅蜜」。<sup>164</sup>

**八、不起波羅蜜，一切法無分別故** (No.30)

憶想分別是一切結使根本；有結使，能起後身業。  
知憶想分別虛妄，一切後世生業更不復起故，是名「不起波羅蜜」。

**九、寂滅波羅蜜，一切法相不可得故** (No.31)

般若波羅蜜中不取三毒火相，故言「寂滅波羅蜜」。  
佛言：「非但三毒相寂滅，一切法相不可得故。」

**十、無欲波羅蜜，欲自性不可得故** (No.32)

是般若波羅蜜，乃至善法中尚不貪，何況餘欲！  
佛（520a）說：「欲，從本已來不可得故。」  
貪欲虛誑，自性不可得，故名「無欲波羅蜜」——非是離欲故名無欲。<sup>165</sup>

**十一、無瞋波羅蜜，瞋恚性畢竟無所有故** (No.33)

瞋恚性畢竟無所有，故名「無瞋波羅蜜」——非是離瞋故名無瞋。

**十二、無癡波羅蜜，無明黑闇破故** (No.34)

一切法中，無明黑闇破，故名「無癡波羅蜜」——非是滅癡故名無癡。

**十三、無煩惱波羅蜜，分別憶想虛妄故** (No.35)

「無煩惱波羅蜜」者，菩薩得無生法忍故，一切煩惱滅。  
佛言：「憶想分別是煩惱根本；憶想尚無，何況煩惱！」  
故名「無煩惱波羅蜜」。<sup>166</sup>

**十四、無眾生波羅蜜，眾生無所有故** (No.36)

般若能破無眾生中有眾生顛倒，故名「無眾生波羅蜜」。  
佛言：「是眾生從本已來不生、無所有，故名無眾生。」

<sup>162</sup> 〔無憶〕—【宋】【宮】。（大正 25，519d，n.10）

<sup>163</sup> 相=想【元】【明】【石】下同。（大正 25，519d，n.11）

<sup>164</sup> 《大品經義疏》卷 7：「非但愛不能染，一切有所得觀解皆是妄解，不能染也。」（卍新續藏 24，289c10-11）

<sup>165</sup> 無欲無瞋無癡：虛誑無性故名無，非是離彼。（印順法師，《大智度論筆記》〔E013〕，p.309）

<sup>166</sup> 斷煩惱：不斷。（印順法師，《大智度論筆記》〔E015〕 p.311）



**十五、斷波羅蜜，諸法不起故** (No.37)

須菩提意：以般若波羅蜜能斷一切有漏法，故名「斷波羅蜜」。

佛言：「諸法不起不生、無所作。」諸法自然斷相，故名「斷」。

**十六、無二邊波羅蜜，離二邊故** (No.38)

「二邊」者，所謂我、無我，斷、無斷，可斷法、無斷法，常、滅，有、無——如是等無量二邊；般若波羅蜜中無是諸邊，故名「無二邊波羅蜜」。

佛言：「是諸邊從本已來無，但以虛誑顛倒故著；菩薩求實事故，離是顛倒邊。」

**十七、不破波羅蜜，一切法不相離故** (No.39)

是般若波羅蜜一相<sup>167</sup>、空故，不可破。

佛言：「不但般若波羅蜜，一切法皆無定異相。」

如果不離因，因不離果；有為法不離無為法，無為法不離有為法；般若波羅蜜不離一切法，一切法不離般若波羅蜜<sup>168</sup>——一切法實相即是般若波羅蜜，故名「不破波羅蜜」。

「破」者，所謂諸法各各離散。

**十八、不取波羅蜜，過聲聞、辟支佛地故** (No.40)

一切法，常、無常等過失；是故般若波羅蜜不取一切法。

佛言：「一切法乃至二乘出世間清淨法，亦不取。」

故名「不取波羅蜜」。

**十九、無分別波羅蜜，妄想分別不可得故** (No.41)

「分別」名取相生心，妄想分別；般若波羅蜜<sup>169</sup>是實相故，無是妄想分別。

佛言：「因憶想分別，有無分（520b）別；今憶想分別從本已來無，故名無分別波羅蜜。」

**二十、無量波羅蜜，一切法量不可得故** (No.42)**（一）無量波羅蜜，般若波羅蜜出四無量故**

般若波羅蜜出四無量，故名「無量波羅蜜」。

**（二）無量，涅槃無量法故**

復次，畢竟空，為得<sup>170</sup>涅槃無量法，故名「無量」。

**（三）無量，智慧所不能到邊崖**

復次，智慧所不能到邊崖，是名「無量」。是<sup>171</sup>名六情所籌度；是法空、無相、無生滅，六情所不能量。何以故？物多而量器小故。

<sup>167</sup> 《大智度論》卷 38〈4 往生品〉：「若般若波羅蜜一相，所謂無相，云何與般若相應，從一佛國至一佛國常值諸佛？答曰：般若波羅蜜攝一切法，譬如大海，以是故不應作難！復次，汝自說『般若波羅蜜一相無相』，若『無相』，云何有難？汝則無相中取相，是事不然。」（大正 25，338c6-11）

<sup>168</sup> 不離。（印順法師，《大智度論筆記》〔E013〕p.309）

<sup>169</sup> 〔波羅蜜〕—【宋】【元】【明】【宮】【聖】\*。（大正 25，520d，n.1）

<sup>170</sup> 〔得〕—【宋】【宮】。（大正 25，520d，n.2）

<sup>171</sup> 是=量【元】【明】【聖】【石】。（大正 25，520d，n.3）

**（四）無量，色等一切法不可得故**

佛言：「非但是般若波羅蜜無量，色等一切法不可得，故皆無量。」

**二十一、虛空波羅蜜，一切法無所有故**（No.43）

如虛空無色無形，無所能作；般若波羅蜜亦如是。

佛言：非但虛空無所有，色等諸法皆無所有，故名「虛空波羅蜜」。

**【經】**

**（肆）得門歎**（No.44~No.90）

**一、歎行無不成**

**（一）無常等觀**<sup>172</sup>（No.44~No.48）

**1、無常波羅蜜，一切法破壞故**（No.44）

「世尊！無常波羅蜜<sup>173</sup>是般若波羅蜜。」

佛言：「一切法破壞故。」<sup>174</sup>（四十四）<sup>175</sup>

**2、苦波羅蜜，一切法惱相故**（No.45）

「世尊！苦波羅蜜是般若波羅蜜。」

佛言：「一切法惱<sup>176</sup>相故。」<sup>177</sup>（四十五）

**3、無我波羅蜜，一切法不著故**（No.46）

「世尊！無我波羅蜜是般若波羅蜜。」

佛言：「一切法不著故。」（四十六）

**4、空波羅蜜，一切法不可得故**（No.47）

「世尊！空波羅蜜是般若波羅蜜。」

佛言：「一切法不可得故。」（四十七）

**5、無相波羅蜜，一切法不生故**（No.48）

「世尊！無相波羅蜜是般若波羅蜜。」

佛言：「一切法不生故。」（四十八）

<sup>172</sup> 妙境法師編，《摩訶般若波羅蜜經冠科》，p.544。

<sup>173</sup> 《大品經義疏》卷 7：「『無常波羅蜜』下第四，就得門北人<sup>\*</sup>。……今為二：初歎無行不成，二歎無果不滿也。」（巳新續藏 24，289c21-24）

※案：「北人」或作「歎」。

<sup>174</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無常波羅蜜多。」

佛言：「如是！能永滅壞一切法故。」（大正 7，203a1-3）

<sup>175</sup> 石山本無「四十四」乃至「九十」等記數。（大正 25，520d，n.4）

<sup>176</sup>（苦）+惱【元】【明】。（大正 25，520d，n.6）

<sup>177</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是苦波羅蜜多。」

佛言：「如是！能永驅遣一切法故。」（大正 7，203a3-5）

**(二) 十八空觀**<sup>178</sup> (No.49~No.65)

**1、內空波羅蜜，內法不可得故** (No.49)

「世尊：內空波羅蜜是般若波羅蜜。」

佛言：「內法不可得故。」(四十九)

**2、外空波羅蜜，外法不可得故** (No.50)

「世尊！外空波羅蜜是般若波羅蜜。」

佛言：「外法不可得故。」(五十)

**3、內外空波羅蜜，內外法不可得故** (No.51)

「世尊！內外空波羅蜜是般若波羅蜜。」

佛言：「內外法不可得故。」(五十一)

**4、空空波羅蜜，空空法不可得故** (No.52)

「世尊！空空波羅蜜是般若波羅蜜。」

佛言：「空空法不可得故。」(五十二)

**5、大空波羅蜜，一切法不可得故** (No.53)

「世尊！大空波羅蜜是般若波羅蜜。」

佛言：「一切法不可得故。」(五十三)

**6、第一義空波羅蜜，涅槃不可得故** (No.54)

「世尊！第一義空波羅蜜是般若波羅蜜。」

佛言：「涅槃不可得故。」(五十四)

**7、有為空波羅蜜，有為法不可得故** (No.55)

「世尊！有為空波羅蜜是般若波羅蜜。」

佛言：「有為法不可得故。」(五十五)

**8、無為空波羅蜜，無為法不可得故** (No.56)

「世尊！無為空波羅蜜是般若波羅蜜。」

佛言：「無為法(520c)不可得故。」(五十六)

**9、畢竟空波羅蜜，諸法畢竟不可得故** (No.57)

「世尊！畢竟空波羅蜜是般若波羅蜜。」

佛言：「諸法畢竟不可得故。」<sup>179</sup> (五十七)

**10、無始空波羅蜜，諸法無始不可得故** (No.58)

「世尊！無始空波羅蜜是般若波羅蜜。」

佛言：「諸法<sup>180</sup>無始不可得故。」(五十八)

<sup>178</sup> (1) 釋十八空義。(印順法師，《大智度論筆記》[E005]，p.294)。

(2) 案：經中僅列十七空，缺「不可得空」。

<sup>179</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是畢竟空波羅蜜多。」

佛言：「如是！畢竟空法不可得故。」(大正 7，203a24-26)

**11、散空波羅蜜，散法不可得故** (No.59)

「世尊！散空波羅蜜是般若波羅蜜。」

佛言：「散法不可得故。」(五十九)

**12、性空波羅蜜，有為無為法不可得故** (No.60)

「世尊！性空波羅蜜是般若波羅蜜。」

佛言：「有為無為法不可得故。」<sup>181</sup> (六十)

**13、諸法空波羅蜜，一切法不可得故** (No.61)

「世尊！諸法空波羅蜜是般若波羅蜜。」

佛言：「一切法不可得故。」(六十一)

**14、自相空波羅蜜，自相離故** (No.62)

「世尊！自相空波羅蜜是般若波羅蜜。」

佛言：「自相離故。」<sup>182</sup> (六十二)

**15、無法空波羅蜜，無法不可得故** (No.63)

「世尊！無法空波羅蜜是般若波羅蜜。」

佛言：「無法不可得故。」<sup>183</sup> (六十三)

**16、有法空波羅蜜，有法不可得故** (No.64)

「世尊！有法空波羅蜜是般若波羅蜜。」

佛言：「有法不可得故。」<sup>184</sup> (六十四)

**17、無法有法空波羅蜜，無法有法不可得故** (No.65)

「世尊！無法有法空波羅蜜是般若波羅蜜。」

佛言：「無法有法<sup>185</sup>不可得故。」<sup>186</sup> (六十五)

---

<sup>180</sup> 法+（性）【聖】。(大正 25, 520d, n.7)

<sup>181</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是本性空波羅蜜多。」

佛言：「如是！有為、無為法不可得故。」(大正 7, 203b1-3)

<sup>182</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是自共相空波羅蜜多。」

佛言：「如是！達法遠離自共相故。」(大正 7, 203b3-4)

<sup>183</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無性空波羅蜜多。」

佛言：「如是！無性空法不可得故。」(大正 7, 203b8-10)

<sup>184</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是自性空波羅蜜多。」

佛言：「如是！自性空法不可得故。」(大正 7, 203b10-12)

<sup>185</sup> [法]—【聖】，法+（空）【石】。(大正 25, 520d, n.8)

<sup>186</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是無性自性空波羅蜜多。」

佛言：「如是！無性自性空法不可得故。」(大正 7, 203b12-14)

**(三) 菩提分行** (No.66~No.72)

**1、念處波羅蜜，身受心法不可得故** (No.66)

「世尊！念處波羅蜜是般若波羅蜜。」  
佛言：「身受心法不可得故。」(六十六)

**2、正勤波羅蜜，善不善法不可得故** (No.67)

「世尊！正勤波羅蜜是般若波羅蜜。」  
佛言：「善不善法不可得故。」(六十七)

**3、如意足波羅蜜，四如意足不可得故** (No.68)

「世尊！如意足波羅蜜是般若波羅蜜。」  
佛言：「四如意足不可得故。」(六十八)

**4、根波羅蜜，五根不可得故** (No.69)

「世尊！根波羅蜜是般若波羅蜜。」  
佛言：「五根不可得故。」(六十九)

**5、力波羅蜜，五力不可得故** (No.70)

「世尊！力波羅蜜是般若波羅蜜。」  
佛言：「五力不可得故。」(七十)

**6、覺波羅蜜，七覺分不可得故** (No.71)

「世尊！覺波羅蜜是般若波羅蜜。」  
佛言：「七覺分不可得故。」(七十一)

**7、道波羅蜜，八聖道分不可得故** (No.72)

「世尊！道波羅蜜是般若波羅蜜。」  
佛言：「八聖道分不可得故。」(七十二)

**(四) 三三昧** (No.73~No.75)

**1、無作波羅蜜，無作不可得故** (No.73)

「世尊！無作波羅蜜是般若波羅蜜。」  
佛言：「無作不可得故。」(七十三)

**2、空波羅蜜，空相不可得故** (No.74)

「世尊！空波羅蜜是般若波羅蜜。」  
佛言：「空相不可得故。」(七十四)

**3、無相波羅蜜，寂滅相不可得故** (No.75)

「世尊！無相波羅蜜是般若波羅蜜。」  
佛言：「寂滅相不可得故。」(七十五)

**(五) 出世禪** (No.76~No.77)

**1、背捨波羅蜜，八背捨不可得故** (No.76)

「世尊！背<sup>187</sup>捨波羅蜜是般若波羅蜜。」  
佛言：「八背捨 (521a) 不可得故。」(七十六)

<sup>187</sup> (八) +背【石】。(大正 25, 520d, n.16)

**2、定波羅蜜，九次第定不可得故** (No.77)

「世尊！定<sup>188</sup>波羅蜜是般若波羅蜜。」  
佛言：「九次第定不可得故。」(七十七)

**(六) 六度行** (No.78~No.83)

**1、檀波羅蜜，慳貪不可得故** (No.78)

「世尊！檀波羅蜜是般若波羅蜜。」  
佛言：「慳貪不可得故。」(七十八)

**2、尸羅波羅蜜，破戒不可得故** (No.79)

「世尊！尸羅波羅蜜是般若波羅蜜。」  
佛言：「破戒不可得故。」(七十九)

**3、羼提波羅蜜，忍、不忍辱不可得故** (No.80)

「世尊！羼提波羅蜜是般若波羅蜜。」  
佛言：「忍<sup>189</sup>不忍辱不可得故。」(八十)

**4、毘梨耶波羅蜜，懈怠、精進不可得故** (No.81)

「世尊！毘梨耶波羅蜜是般若波羅蜜。」  
佛言：「懈怠精進不可得故。」(八十一)

**5、禪波羅蜜，定、亂不可得故** (No.82)

「世尊！禪波羅蜜是般若波羅蜜。」  
佛言：「定亂不可得故。」(八十二)

**6、般若波羅蜜，癡、慧不可得故** (No.83)

「世尊！般若波羅蜜是般若波羅蜜。」  
佛言：「癡慧不可得故。」(八十三)

**二、歎果無不滿** (No.84~No.90)

**(一) 十力波羅蜜，一切法不可伏故** (No.84)

「世尊！十力波羅蜜是般若波羅蜜。」  
佛言：「一切法不可伏故。」<sup>190</sup> (八十四)

**(二) 無所畏波羅蜜，道種智不沒故** (No.85)

「世尊！無所畏波羅蜜是般若波羅蜜。」  
佛言：「道種智不沒故。」<sup>191</sup> (八十五)

<sup>188</sup> (九次第) + 定【石】。(大正 25, 521d, n.1)

<sup>189</sup> [忍] - 【宋】【宮】【聖】。(大正 25, 520d, n.2)

<sup>190</sup> 《大般若波羅蜜多經》卷 437 <42 不可得品>:

「世尊！如是般若波羅蜜多是佛十力波羅蜜多。」

佛言：「如是！達一切法難屈伏故。」(大正 7, 203 c17-19)

<sup>191</sup> 《大般若波羅蜜多經》卷 437 <42 不可得品>:

「世尊！如是般若波羅蜜多是四無所畏波羅蜜多。」

佛言：「如是！得道相智無退沒故。」(大正 7, 203c19-21)

**（三）無礙智波羅蜜，一切法無障無礙故** (No.86)

「世尊！無礙智波羅蜜是般若波羅蜜。」  
佛言：「一切諸<sup>192</sup>法無障無<sup>193</sup>礙故。」<sup>194</sup>（八十六）

**（四）佛法波羅蜜，過一切法故** (No.87)

「世尊！佛法波羅蜜是般若波羅蜜。」  
佛言：「過一切法故。」<sup>195</sup>（八十七）

**（五）如實說波羅蜜，一切語言皆是如實故** (No.88)

「世尊！如實說者<sup>196</sup>波羅蜜是般若波羅蜜。」  
佛言：「一切說<sup>197</sup>如實故。」<sup>198</sup>（八十八）

**（六）自然波羅蜜，一切法中得自在力故** (No.89)

「世尊！自然波羅蜜是般若波羅蜜。」  
佛言：「一切法中自在故。」<sup>199</sup>（八十九）

**（七）佛波羅蜜，正知一切法、一切種故** (No.90)

「世尊！佛波羅蜜是般若波羅蜜。」  
佛言：「知一切法、一切種智<sup>200</sup>故。」<sup>201</sup>（九十）

【論】釋曰：

**（肆）得門歎**（釋 No.44~No.90）**一、歎行無不成**（釋 No.44 無常波羅蜜~No.65 無法有法空波羅蜜）**（一）無常波羅蜜，一切法破壞故** (No.44)

<sup>192</sup> [諸] — 【宋】【元】【明】【宮】。(大正 25, 521d, n.4)

<sup>193</sup> [無] — 【聖】。(大正 25, 521d, n.5)

<sup>194</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是四無礙解波羅蜜多。」

佛言：「如是！得一切智、一切相智無罣礙故。」(大正 7, 203c21-23)

<sup>195</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是十八佛不共法波羅蜜多。」

佛言：「如是！超諸聲聞、獨覺法故。」(大正 7, 203c25-27)

<sup>196</sup> [者] — 【元】【明】。(大正 25, 521d, n.6)

<sup>197</sup> 說=語【宋】【元】【明】【宮】【聖】。(大正 25, 521d, n.7)

<sup>198</sup> 《大般若波羅蜜多經》卷 437〈42 不可得品〉：

「世尊！如是！般若波羅蜜多是如來波羅蜜多。」

佛言：「如是！能如實說一切法故。」(大正 7, 203c27-28)

<sup>199</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是自然波羅蜜多。」

佛言：「如是！於一切法自在轉故。」(大正 7, 203c29-204a1)

<sup>200</sup> [智] — 【宋】【元】【明】【宮】。(大正 25, 521d, n.8)

<sup>201</sup> 《大般若波羅蜜多經》卷 437〈42 不可得品〉：

「世尊！如是般若波羅蜜多是正等覺波羅蜜多。」

佛言：「如是！於一切法一切行相能現覺故。」(大正 7, 204a1-3)

### 1、略明

般若波羅蜜中有無常聖行，故名「無常波羅蜜」。

佛言：「非但般若中有無常，觀一切法無常。」故名「無常波羅蜜」。

### 2、釋疑：前說般若法性常住，今何以說無常

問曰：上來說「般若波羅蜜法性常住」<sup>202</sup>，今何以說「無常」？

答曰：般若波羅蜜是智慧，觀法從因緣和合生，是有為法，故無常；

般若波羅蜜所緣處——如、法性、實際，無為法，故常。

須菩提說「有為般若」，故言「般若波羅蜜無常」。<sup>203</sup>

### 3、釋疑：佛說「一切法破壞」，云何無為法無破壞相

問曰：若爾者，(521b) 佛何以說「一切法盡是破壞無常，<sup>204</sup>無為法無破壞相」？

答曰：一切法<sup>205</sup>名六情，<sup>206</sup>內外皆是作法；作法故，必歸破壞相。離有為法，無<sup>207</sup>無為法<sup>208</sup>，亦更無有法相；因有為法相，故說無為法不生不滅。

復次，一切有為法有二種：一者、名字一切，二者、實一切。<sup>209</sup>一切有為法破壞，故名「一切無常」。

### (二)「苦波羅蜜」乃至「無法有法空波羅蜜」，無法有法不可得故 (No.45~No.65)

「苦」等乃至「無法有法空」亦如是。

須菩提說一切法相讚般若，佛舉一切法答。

### (三)釋「念處波羅蜜」，身受心法不可得故 (No.66)

正觀身等四法，從四念處生——四念處是四諦之初門，四諦是四<sup>210</sup>沙門果初門，<sup>211</sup>阿羅漢果分別即是三乘。<sup>212</sup>

<sup>202</sup> 參見《大智度論》卷 43(大正 25,371a21-24)、卷 57(467c25-29)、卷 65(515c15-17,516c5-10)。

<sup>203</sup> 「須菩提說有為般若——觀法緣生，有為法，故無常

常歟無常歟——佛說〔無為般若〕——般若緣處：如、法性，故常

(印順法師，《大智度論筆記》〔B024〕p.158)

<sup>204</sup> 參見《摩訶般若波羅蜜經》卷 12(大正 8,312 b16-17)、《大智度論》卷 65(大正 25,521a22-24)。

<sup>205</sup> 《雜阿含經》卷 13(321 經)：

「沙門瞿曇！所謂一切法，云何為一切法」？

佛告婆羅門：「眼及色、眼識、眼觸、眼觸因緣生受——若苦、苦樂、不苦不樂，耳……。鼻……。舌……。身……。意、法、意識、意觸、意觸因緣生受——若苦、若樂、不苦不樂，是名為一切法。若復有言此非一切法，沙門瞿曇所說一切法，我今捨更立一切法者，此但有言數，問已不知，增其疑惑。所以者何？非其境界故。」(大正 2,91b17-24)

<sup>206</sup> 《雜阿含經》卷 13(319 經)：「佛告婆羅門：『一切者，謂十二入處——眼、色，耳、聲，鼻、香，舌、味，身、觸，意、法。是名一切。』」(大正 2,91a27-29)

<sup>207</sup> 〔無〕—【宮】。(大正 25,521d,n.9)

<sup>208</sup> 有為無為互不相離。(印順法師，《大智度論筆記》〔E001〕p.285)

<sup>209</sup> 「名字一切

二種一切—實一切 (印順法師，《大智度論筆記》〔B024〕p.158)

<sup>210</sup> 〔四〕—【宋】【宮】。(大正 25,521d,n.11)

<sup>211</sup> 《雜阿含經》卷 15(394 經)：「爾時，世尊告諸比丘：『譬如日出，明相先起。如是正盡苦亦有前相起？謂知四聖諦。何等為四？知苦聖諦、知苦集聖諦、知苦滅聖諦、知苦滅道跡聖諦。』」(大正 2,106b25-28)

<sup>212</sup> 阿羅漢果分別即是三乘。(印順法師，《大智度論筆記》〔E019〕p.318)



四念處，般若波羅蜜中種種廣說。<sup>213</sup>

佛言：「是四種法緣處從本已來皆不可得。」故名「念處波羅蜜」。

**(四) 釋「正勤波羅蜜」乃至「般若波羅蜜」** (No.67~No.83)

從「四正勤」乃至「般若波羅蜜」，亦如是。

**※ 因論生論：云何復以般若讚般若？**

問曰：餘法可以讚般若，云何復以般若讚般若？

答曰：有二種般若：一者、常住般若；二者、與五波羅蜜共行，有用般若波羅蜜。<sup>214</sup>

須菩提讚有用般若波羅蜜，能破無明黑闇、能與真智慧；

是故佛說：「常住般若波羅蜜，癡慧不可得故。」

**二、歎果無不滿** (釋 No.84 十力波羅蜜~No.90 佛波羅蜜)

**(一) 十力波羅蜜，一切法不可伏故** (No.84)

行是般若波羅蜜菩薩，初得菩薩十力<sup>215</sup>，後得佛十力<sup>216</sup>，是故說「十力波羅蜜」。

佛言：「非但十力者不可破、不可伏，一切法實相亦不可破、亦不可伏。」

佛意：為度<sup>217</sup>眾生故說十方<sup>218</sup>佛力無量無邊；<sup>219</sup>如佛力，一切法實相亦如是不可伏，故名「十力波羅蜜」。

**(二) 無所畏波羅蜜，道種智不沒故** (No.85)

菩薩得是般若波羅蜜力，於佛前能說法論議，何況餘處！尚不畏魔王，何況外道！故名「無所畏波羅蜜」。

佛言：「道種智不沒故。」

「道種智」名「法眼」，<sup>220</sup>知一切眾生以何道得涅槃<sup>221</sup>。

般若波羅(521c)蜜，常寂滅相、不可說；是菩薩以道種智故引導眾生，於大眾中師子吼；道種智增益故不沒，無所畏，不自憍慢「我有是法」，名「無畏波羅蜜」。

**(三) 無礙波羅蜜，一切法無障無礙故** (No.86)

須菩提從佛聞<sup>222</sup>，無畏轉深，故讚般若波羅蜜，言「無礙波羅蜜」。

<sup>213</sup> (1) 參見《摩訶般若波羅蜜經》卷 5〈19 廣乘品〉(大正 8, 253b19-254b15)。

(2) 《大智度論》卷 19〈1 序品〉：「復次，何處說三十七品但是聲聞、辟佛法，非菩薩道？是《般若波羅蜜·摩訶衍品》中，佛說四念處乃至八聖道分是摩訶衍；三藏中亦不說三十七品獨是小乘法。」(大正 25, 197b27-c2)

<sup>214</sup> 「常住般若——癡慧不可得

二種般若——五度共行有用般若——能破無明闇，能與真智慧

(印順法師，《大智度論筆記》〔B024〕p.158)

<sup>215</sup> 參見《大智度論》卷 25〈1 序品〉(大正 25, 245c26-246a13)。

<sup>216</sup> 參見《大智度論》卷 24〈1 序品〉(大正 25, 235c22-241b15)。

<sup>217</sup> 〔度〕—【宋】【元】【明】【宮】。(大正 25, 521d, n.14)

<sup>218</sup> 十方=十力【宋】【元】【明】【宮】。(大正 25, 521d, n.15)

<sup>219</sup> 十力：力實無量，為生說十。(印順法師，《大智度論筆記》〔E006〕p.297)

<sup>220</sup> 法眼：即道種智。(印順法師，《大智度論筆記》〔E013〕p.309)

<sup>221</sup> 〔涅槃〕—【聖】。(大正 25, 521d, n.16)

<sup>222</sup> 聞+ (法)【宋】【元】【明】【宮】，(說)【聖】。(大正 25, 521d, n.17)

佛言：「非但四無礙，一切法入如、法性、實際故，皆<sup>223</sup>是無礙相。」

**（四）佛法波羅蜜，過一切法故**（No.87）

菩薩因般若波羅蜜，能集十力、四無所畏、四無礙智、大慈大悲等諸佛法故，說「佛法波羅蜜」。

佛言：「聲聞法於<sup>224</sup>凡夫法為勝，辟支佛法於聲聞法為勝，佛法<sup>225</sup>於一切法最勝。」如一切色中，虛空廣大；佛法最勝，無能及、無可喻，過一切法，故名「佛法波羅蜜」。

**（五）如實說波羅蜜，一切語言皆是如實故**（No.88）

如過去佛行六波羅蜜，得諸法如相；今佛亦如是行六波羅蜜，得佛道，故名「多陀阿伽陀波羅蜜」。「多陀阿伽陀（tathāgata）」者，或言「如來」，或言「如實說」，或言「如實知」。<sup>226</sup>

此中佛說：非但佛說名如實說，一切語<sup>227</sup>言皆是如實，故名「如實說波羅蜜」。

**（六）一切法中得自在力故，名「自然波羅蜜」**（No.89）

是般若波羅蜜具足，後身自然作佛，故名「自然波羅蜜」。

「自然」名佛；佛所說，故名「自然波羅蜜」。

復次，是般若波羅蜜實相，自然、不由他作，故名「自然」。<sup>228</sup>

佛言：佛一切法中得自在力，故名「自然波羅蜜」。

**（七）佛波羅蜜，正知一切法、一切種故**（No.90）

**1、明「佛波羅蜜」**

具足十地，得十力、四無所畏，轉法輪、擊法鼓，覺世間無明睡眾生，故名為「佛波羅蜜」。

**2、釋「佛正知一切法、一切種」**<sup>229</sup>

「佛」，秦言「覺者」、「知者」。何者是？所謂正知一切法、一切種，故名「覺」。

<sup>223</sup> [皆] — 【宮】。(大正 25, 521d, n.18)

<sup>224</sup> (1) 《大正藏》原作「於於」，今依《高麗藏》作「於」(第 14 冊, 1033c5)。

(2) [於] — 【宮】【聖】。(大正 25, 521d, n.21)

<sup>225</sup> (1) (佛) + 法【聖】。(大正 25, 521d, n.22)

(2) 《大正藏》原作「法」，今依《高麗藏》作「佛法」(第 14 冊, 1033c6)。

<sup>226</sup> (1) 《大智度論》卷 2〈1 序品〉：

云何名多陀阿伽陀？

如法相解；如法相說；如諸佛安隱道來，佛亦如是來，更不去後有中，是故名多陀阿伽陀。(大正 25, 71b16-19)

(2) 多陀阿伽陀：三釋。(印順法師，《大智度論筆記》[E014] p.309)

<sup>227</sup> 語 = 說【宮】，(諸) + 語【聖】【石】。(大正 25, 521d, n.26)

<sup>228</sup> 自然：二說。(印順法師，《大智度論筆記》[E012] p.302)

<sup>229</sup> 「蘊界處等

「知一切法」 — 五種法

佛 — 「總相、別相

「略說二種相」 — 分別相、畢竟空相

「知一切種」 — 廣說 — 一切種 (印順法師，《大智度論筆記》[B024] p.159)

**(1) 正知一切法**

**A、知蘊、處、界等**

「一切法」者，所謂五眾、十二入、十八界等。

**B、知五法**

復次，「一切法」名外道經書、伎術<sup>230</sup>、禪定等；略說有五種，所謂凡夫法、聲聞法、辟支佛法、菩薩法、(522a)佛法。<sup>231</sup>

**(2) 知一切種**

**A、略說二種相**

佛，略知有二種相，所謂總相、別相；又以分別相、畢竟空相。

**B、廣說一切種**

廣知則一切種——一切種是一切無量無邊法門。

以是事故，名為「佛波羅蜜」；不以佛身故名為「佛波羅蜜」，但以一切種智故。

<sup>230</sup> 伎術：技藝方術。(《漢語大詞典》(一)，p.1179)

<sup>231</sup>

	┌凡夫法
	聲聞法
略說五種法	緣覺法
	菩薩法
	└佛 法

(印順法師，《大智度論筆記》〔B024〕p.159)